

萬 有 文 庫

第 二 集 七 百 種

王 雲 五 主 編

史 釋

(八)

馬 驢 撰



史 綱

(八)

撰 驢 馬

書 叢 本 基 學 國

萬有文庫

第二集七百種

總編纂者

王雲五

商務印書館發行

# 釋史卷二十四

## 三代第十四

### 周禮之制一

#### 冠禮

【儀禮】士冠禮。筮于廟門。主人玄冠。朝服緇帶素鞶。卽位于門東。西面。有司如主人服。卽位于西方。東面。北上。筮與席所卦者。具饌于西塾。布席于門中。闔西闔外。西面。筮人執筮。抽上韠。兼執之。進受命於主人。宰自右。少退贊命。筮人許諾。右還。卽席坐。西面。卦者在左。卒筮。書卦。執以示主人。主人受。眊。反之。筮人還。東面。旅占。卒。進告吉。若不吉。則筮遠日。如初儀。徹筮席。宗人告事畢。【右筮】主人戒賓。賓禮辭許。主人再拜。賓答拜。主人退。賓拜送。戒賓曰。某有子某。將加布于其首。願吾子之教之也。賓對曰。某不敏。恐不能共事。以病吾子。敢辭。主人曰。某猶願吾子之終教之也。賓對曰。吾子重有命。某敢不從。【右成賓】前期三日。筮賓。如求日之儀。乃宿賓。賓如主人服。出門左。西面再拜。主人東面答拜。乃宿賓。賓許。主人再拜。賓答拜。主人退。賓拜送。宿贊冠者一人。亦如之。宿曰。某將加布于某之首。吾子將莅之。敢宿。賓對曰。某敢不夙興。【右宿賓】厥明夕。爲期于廟之外。主人立于門東。兄弟在其南。少退。西面北上。有司皆如宿服。立于西方。東面北上。擯

者請期。宰告曰：質明行事。告兄弟及有司。告事畢。擯者告期于賓之家。〔右爲期〕夙興。設洗。直于東榮。南北以堂深。水在洗東。陳服于房中西墉下。東領北。上爵弁服。纁裳。純衣。緇帶。鞅鞞。皮弁服。素積。緇帶。素鞞。玄端。玄裳。黃裳。雜裳可也。緇帶。爵鞞。緇布冠。缺項。青組。纓屬于缺。緇纁。廣終幅。長六尺。皮弁筭。爵弁筭。緇組。紘。纁邊。同篋。櫛實于簞。蒲筵二。在南側。尊一。甌醴。在服北。有篋。實勺。觶。角。枌。脯醢。南上。爵弁。皮弁。緇布冠。各一。匱。執以待于西墉南。南面東上。賓升則東面。屨。夏用葛。玄端。黑屨。青紘。纁。純。純博寸。素積。白屨。以魁。柎之。緇。紘。纁。純。純博寸。爵弁。纁屨。黑紘。纁。純。純博寸。冬皮屨可也。不屨。纁屨。〔右陳器服〕主人玄端。爵鞞。立于阼階下。直東序。西面。兄弟畢。袵玄。立于洗東。西面北上。擯者玄端。負東塾。將冠者采衣。紒。在房中。南面。賓如主人服。贊者玄端。從之。立于外門之外。擯者告主人迎。出門左。西面再拜。賓答拜。主人揖贊者。與賓揖。先入。每曲揖。至于廟門。揖入。三揖。至于階。三讓。主人升。立于序端。西面。賓西序。東面。贊者盥于洗。西升。立于房中。西面南上。主人之贊者筵于東序少北。西面。將冠者出房。南面。贊者奠纁。筭。櫛于筵。南端。賓揖。將冠者將冠者卽筵坐。贊者坐。櫛。設纁。賓降。主人降。賓辭。主人對。賓盥。卒。壹揖。壹讓。升。主人升。復初位。賓筵前坐。正纁。與降。西階一等。執冠者升一等。東面授賓。賓右手執項。左手執前。進容。乃祝。坐如初。乃冠。與復位。贊者卒。冠者與賓揖之。適房。服玄端。爵鞞。出房。南面。賓揖之。卽筵坐。櫛。設筭。賓盥。正纁。如初。降二等。受皮弁。右執項。左執前。進祝。加之。如初。復位。贊者卒。紘。與賓揖之。適房。服素積。素鞞。容出房。南面。賓降三等。受爵

弁加之。服纁裳鞅鞞。其他如加皮弁之儀。徹皮弁冠櫛筵入于房。始加祝曰。令月吉日。始加元服。棄爾幼志。順爾成德。壽考惟祺。介爾景福。再加曰。吉月令辰。乃申爾服。敬爾威儀。淑慎爾德。眉壽萬年。永受胡福。三加曰。以歲之正。以月之令。咸加爾服。兄弟具在。以成厥德。黃者無疆。受天之慶。右加冠筵于戶西南面。贊者洗于房中。側酌醴。加枳覆之。面葉賓揖冠者就筵。筵西南面。實受醴于戶東。加枳。面枋。筵前北面。冠者筵西拜受饌。賓東面答拜。薦脯醢。冠者卽筵坐。左執饌。右祭脯醢。以枳祭醴。三興。筵末坐。啐醴。捷枳。興降筵。坐奠饌。拜執饌。興賓答拜。醴辭曰。甘醴惟厚。嘉薦令芳。拜受祭之。以定爾祥。承天之休。壽考不忘。右冠者冠者奠饌于薦東。降筵北面坐。取脯降自西階。右見母若不醴。則醴用酒。尊于房戶之間。兩甌。有禁。玄酒在西。加勺。南枋。洗有不在。則使人受脯于西階下。右見母若在西南順。始加醴。用脯醢。賓降取爵于篚。辭降如初。卒洗。升酌。冠者拜受。賓答拜如初。冠者升筵坐。左執爵。右祭脯醢。祭酒興。筵末坐。啐酒。降筵拜。賓答拜。冠者奠爵于薦東。立于筵西。徹薦爵。筵尊不徹。加皮弁如初儀。再醴。攝酒。其他皆如初。加爵弁如初儀。三醴。有乾肉折俎。嘑之。其他如初。北面取脯。見于母。若殺。則特豚。載合升。離肺實于鼎。設扃。冪始醴如初。再醴兩豆。葵菹。羸醢。兩籩。栗。脯。三醴。攝酒。如再醴。加俎。嘑之。皆如初。嘑肺。卒醴。取籩脯以降。如初。醴辭曰。旨酒既清。嘉薦亶時。始加元服。兄弟具來。孝友時格。永乃保之。再醴曰。旨酒既滑。嘉薦伊脯。乃申爾服。禮儀有序。祭此嘉爵。承天之祜。三醴曰。旨酒令芳。籩豆有

楚咸加爾服。肴升折俎。承天之慶。受福無疆。【右禮記】賓降。直西序。東面。主人降。復初位。冠者立于西階東。南面。

賓字之。冠者對。字辭曰。禮儀既備。令月吉日。昭告爾字。爰字孔嘉。髦士攸宜。宜之于假。永受保之。曰。伯某。

甫。仲。叔。季。唯其所當之。【右字】賓出。主人送于廟門外。請醴賓。賓禮辭。許。賓就次。乃醴賓。以壹獻之禮。主人酬。

賓。束帛。儷皮。贊者皆與。贊冠者為介。賓出。主人送于外門外。再拜。歸賓俎。【右禮記】冠者見於兄弟。兄弟再拜。

冠者答拜。見贊者。西面拜。亦如之。入見。姑姑。如見母。乃易服。服玄冠。玄端。爵鞞。奠摯。見於君。遂以摯。見於

鄉大夫。鄉先生。【右見兄弟姊妹君。鄉大夫。鄉先生。】若孤子。則父兄戒宿。冠之日。主人紛而迎賓。拜揖。讓立于序端。皆加冠。主

禮於阼。凡拜。北面于阼階上。賓亦北面于西階上。答拜。若殺。則舉鼎。陳于門外。直東塾北面。【右孤子冠。】若庶子。

則冠于房外。南面。遂醮焉。【右庶子冠。】冠義。始冠。緇布之冠也。太古冠布。齊則緇之。其綬也。孔子曰。吾未之

冠而字之。敬其名也。委貌。周道也。章甫。殷道也。毋追。夏后氏之道也。周弁。殷時。夏啟。三王共皮弁素積。無

大夫冠禮。而有其昏禮。古者五十而后爵。何大夫冠禮之有。公侯之有冠禮也。夏之未造也。天子之元子猶士也。天下

無生而貴者也。繼世以立諸侯。象賢也。以官爵人。德之殺也。死而謚。今也。古者生為爵。死無謚。○郊特牲同。禮

記。男女異長。男子二十。冠而字。女子許嫁。笄而字。○曲禮。幼名。冠字。五十以伯仲。死謚。周道也。○檀弓。

始冠。緇布冠。自諸侯下達。冠而敝之可也。玄冠。朱組纓。天子之冠也。緇布冠。績綬。諸侯之冠也。玄冠。丹組纓。諸侯

之齊冠也。玄冠。素組纓。士之齋冠也。緇冠。玄武。子姓之冠也。緇冠。素紕。既祥之冠也。垂綬五寸。惰游之士也。玄冠。纁

武。不齒之服也。居冠屬武。自天子下達。有事然後綬。玉藻。大白冠。緇布之冠。皆不綬。委武。玄纁而后綬。以喪冠

者。雖三年之喪可也。既冠於次。人哭踊。三者三。乃出。大功之末。可以冠子。可以嫁子。父小功之末。可以冠子。

可以冠取妻。下殤之小功則不可。○雜記。

【大戴禮記】公符自為主。迎賓揖。升自阼。立于席。既醴。降自阼。其餘自為主者。其降也。自西階以異。其餘



皆公同也。公玄端以皮弁皆鞞。朝服素鞞。公冠四加玄冕。饗之以三獻之禮。無介無樂。皆玄端。其醕幣。朱錦采四馬。其慶也。天子儗焉。太子與庶子。其冠皆自爲主。其禮與士同。饗賓也。皆同。

○公符。○注云。四當爲三。當爲衰字之誤。

【禮記】冠義。凡人之所以爲人者。禮義也。禮義之始。在於正容體。齊顏色。順辭令。容體正。顏色齊。辭令順。而後禮義備。以正君臣。親父子。和長幼。君臣正。父子親。長幼和。而後禮義立。故冠而后服備。服備而后容體正。顏色齊。辭令順。故曰。冠者。禮之始也。是故古者聖王重冠。古者冠禮。筮日。筮賓。所以敬冠事。敬冠事。所以重禮。重禮。所以爲國本也。故冠於阼。以著代也。醮於客位。三加彌尊。加有成也。已冠而字之。成人之道也。見於母。母拜之。見於兄弟。兄弟拜之。成人而與爲禮也。玄冠玄端。奠摯於君。遂以摯見於鄉大夫。鄉先生。以成人見也。成人之者。將責成人禮焉也。責成人禮焉者。將責爲人子。爲人弟。爲人臣。爲人少者之禮行焉。將責四者之行於人。其禮可不重與。故孝弟忠順之行立。而后可以爲人。可以爲人。而后可以治人也。故聖王重禮。故曰。冠者。禮之始也。嘉事之重者也。是故古者重冠。重冠。故行之於廟。行之於廟者。所以尊重事。尊重事。而不敢擅重事。不敢擅重事。所以自卑而尊先祖也。

### 昏禮

【儀禮】昏禮。下達。納采。用鴈。主人筵于戶西。西上。右几。使者玄端至。擯者出請事。入告。主人如賓服。迎于門外。再拜。賓不答拜。揖入。至于廟門。揖入。三揖。至于階。三讓。主人以賓升。西面。賓升西階。當阿。東面。致命。

主人阼階上北面再拜。授于楹間。南面賓降出。主人降。授老鴈。擯者出請賓執鴈。請問名。主人許。賓入授。如初禮。〔記〕士昏禮。凡行事。必用昏昕。受請廟廟。辭無不腆。無辱。擊不用死。昏辭曰。吾子有惠。賜室某也。某如初禮。有先人之禮。使某也請納采。對曰。某之子蠢愚。又弗能教。吾子命之。某不敢辭。致命。曰。敢納采。問名。曰。某既受命。將加諸卜。敢請女為誰氏。對曰。吾子有命。且以備數而擇之。某不敢辭。問名。主人受鴈。還西面對。賓受命。乃降。宗子。無父。母命之。親皆沒。已躬命之。支子。則稱其宗。弟。則稱其兄。〔右納采問名〕

〔禮記〕男女非有行媒。不相知名。非受幣。不交不親。故日月以告君。齊戒以告鬼神。為酒食以召鄉黨僚友。以厚其別也。取妻不取同姓。故買妾不知其姓則卜之。納女於天子。曰備百姓。於國君。曰備酒漿。於大夫。曰備婦。○曲禮

擯者出請賓告事畢。入告出請醴。賓賓禮辭許。主人徹几。改筵。東上側尊。觶醴于房中。主人迎賓于廟門外。揖讓如初。升。主人北面再拜。賓西階上北面答拜。主人拂几授校。拜送。賓以几辟。北面設于坐。左之。西階上答拜。贊者酌醴。加角。枲。面葉。出于房。主人受醴。面枋。筵前西北面。賓拜受醴。復位。主人阼階上拜送。贊者薦脯醢。賓即筵坐。左執觶。祭脯醢。以枲祭醴。三西階上北面坐啐醴。建枲與坐奠。觶遂拜。主人答拜。賓即筵。奠于薦左。降筵。北面坐取脯。主人辭。賓降。授人脯。出。主人送于門外。再拜。〔記〕祭醴。始扱。賓右取脯。左奉之。乃歸。執以反命。凡使者歸。反命。曰。某既得將事矣。敢以禮告。主人曰。聞命矣。體。曰。子為事故。至子某之室。某有先人之禮。請醴從者。對曰。某既得將事矣。致辭。先人之禮。敢固以請。某辭不得命。敢不從也。

納吉用鴈。如納采禮。〔記〕納吉。曰。吾子有親。某加諸卜。占曰吉。某也敢告。對曰。〔右納吉〕納徵。玄纁。束帛。儷皮。如納吉禮。〔記〕皮帛必可制。納徵。執皮。攝之。內文。兼執足。左首。隨入。西上。參分庭。一在南適東壁。納徵。曰。吾子有嘉命。賜室某也。某有先人之禮。儷皮束帛。使某也請納徵。致命。曰。某敢納徵。對曰。吾子順先典。視某重禮。某不敢辭。敢不承命。女子許嫁。笄而禮之。稱字。祖廟未毀。教于公宮三月。若祖廟已毀。則教于宗室。〔右納徵〕

〔禮記〕納幣。一束。東五兩。兩五尋。女雖未許嫁。年二十。笄而禮之。婦人執其禮。燕則鬪首。○雜記請期用鴈。主人辭。賓許。告期。如納徵禮。〔記〕

請期用鴈。主人辭。賓許。告期。如納徵禮。〔記〕

請期用鴈。主人辭。賓許。告期。如納徵禮。〔記〕

請期用鴈。主人辭。賓許。告期。如納徵禮。〔記〕

請期用鴈。主人辭。賓許。告期。如納徵禮。〔記〕

請期用鴈。主人辭。賓許。告期。如納徵禮。〔記〕

請期用鴈。主人辭。賓許。告期。如納徵禮。〔記〕

請期用鴈。主人辭。賓許。告期。如納徵禮。〔記〕

曰：吾子有賜命。某既申受命矣。惟是。三族之不虞。使某也請吉日。對曰：某既前受命矣。唯命是聽。曰：某命其聽命于吾子。對曰：某固唯命是聽。使者曰：某使某受命。吾子不許。某敢不告。期曰某日。對曰：某敢不敬須。右請期。期初昏。陳三鼎于寢門外東方。北面北上。其實特豚。合升去蹄。舉肺脊二祭。肺二魚十有四。腊一肺。

脾不升。皆飪。設扃。設洗于阼階東南。饌于房中。醢醬二豆。菹醢四豆。兼巾之。黍稷四敦。皆蓋。大羹湑在

饗尊于室中北墉下。有禁。玄酒在西。綌加勺。皆南枋。尊于房戶之東。無玄酒。篚在南。實四爵。合盃。

用鮮。魚用鮒。必殺全。主人爵弁。纁裳。緇帶。從者畢。玄端。乘墨車。從車二乘。執燭前馬。婦車亦如之。有襜。至于門外。

主人筵于戶西。西上。右几。女次。純衣。纁枻。立于房中。南面。姆纁笄。宵衣。在其右。女從者畢。袵玄纁。笄被纁。

黼在其後。主人玄端。迎于門外。西面再拜。賓東面答拜。主人揖入。賓執鴈從。至于廟門。揖入。三揖。至于階。

三讓。主人升。西面。賓升。北面。奠鴈。再拜稽首。降出。婦從。降自西階。主人不降。送壻御婦車。授綏。姆辭不受。

婦乘以几。姆加景。乃驅御者代。壻乘其車。先俟于門外。（記）父醮子。命之。辭曰：往迎爾相。承我宗事。勗師

敢忘命。賓至。擯者請。對曰：吾子命某。以茲初昏。使某將請承命。對曰：某固敬具以須。父醮女而俟迎者。母南

面于房外。女出于母右。父西面戒之。必有正焉。若衣若笄。母戒諸四階上。不降。父送女。命之。曰：戒之。敬之。曰：敬恭聽宗爾父母之言。夙夜無愆。視聽諮擊。婦乘以几。從者二人坐持几。相對。【右親迎】婦至。主人揖

婦以入。及寢門。揖入。升自西階。媵布席于奧。夫入于室。卽席。婦尊西南面。媵御沃盥交贊者徹尊。舉者

盥。出除。舉鼎入。陳于阼階南。西面北上。七俎從。設北面載。執而俟。七者逆退。復位于門東。北面西上。贊

者設醬于席前。菹醢在其北。俎入。設于豆東。魚次。腊特于俎北。贊設黍于醬東。稷在其東。設湑于醬南。設

對醬于東。菹醢在其南北。上設黍于腊北。西西稷。設滫于醬北。御布對席。贊啓會。郤于敦南。對敦于北。贊告具。揖婦卽對筵。皆坐。皆祭。祭薦黍稷肺。贊爾黍。授肺脊。皆食以滫醬。皆祭舉食舉也。三飯。卒食。贊洗爵。酌醕。主人主人拜受。贊戶內北面答拜。酌婦亦如之。皆祭。贊以肝從。皆振祭。嚼肝。皆實于菹豆。卒爵。皆拜。贊答拜受爵。再酌如初。無從。三酌用盃。亦如之。贊洗爵酌于戶外。尊入戶。西北面奠爵拜。皆答拜。坐祭。卒爵拜。皆答拜。與〔記〕婦入寢門。贊者微尊。酌玄酒三。屬于尊。棄餘水于堂下階間。加勺。〔右卽席〕主人出。婦復位。乃徹于房中。如設于室。尊否。主人說服于房。媵受。婦說服于室。御受。姆授巾。御衽于奧。媵衽良席在東。皆有枕。北止。主人入。親說婦之纓。燭出。媵餽主人之餘。御餽婦餘。贊酌外尊。酌之。媵侍于戶外。呼則聞。〔右成禮〕夙興。婦沐浴。纒笄宵衣。以俟見質明。贊見婦于舅姑。席于阼。舅卽席。席于戶外。南面。姑卽席。婦執笄棗栗。自門入。升自西階。進拜。奠于席。舅坐。撫之。與答拜。婦還。又拜。降階。受笄。殿脩。升進。北面拜。奠于席。姑坐。舉以興。拜。授人。〔記〕笄。緇被。緇裏。加于橋。舅答拜。宰微笄。〔右見舅姑〕〔禮記〕婦見舅姑。兄弟姊妹。皆立于堂下。西面。北上。見是已。見諸父。各就其寢。○雜記。婦人之摯。悝棗脯脩棗栗。○曲禮。贊醴婦席于戶牖間。側尊。觶醴于房中。婦疑立于席西。贊者酌醴。加枌。枌出房。席前北面。婦東面拜受。贊西階上北面拜送。婦又拜。薦脯醢。婦升席。左執觶。右祭脯醢。以枌祭醴。三降席。東面坐。啐醴。建枌。興拜。贊答拜。婦又拜。奠于薦東。北面坐。取脯。降出。授人于門外。〔記〕婦薦薦饌于房。〔右贊醴婦〕舅姑入于室。婦盥饋。特豚。合升。側載。無魚。腊。無稷。竝南上。其他如取女禮。婦贊成祭。卒食。一酌。無從。席于北墉下。婦徹。設席前如初。西上。婦餽。舅辭。易醬。婦餽姑之饌。御贊祭。

豆、黍、肺、舉肺、脊、乃食。卒，姑醮之。婦拜受，姑拜送。坐祭，卒爵。姑受奠之。婦徹于房中。媵御餒，姑醮之。雖無媵，媵先。于是與始飯之錯。【右饋】舅姑共饗，婦以一獻之禮。舅洗于南，洗姑洗于北，洗奠酬。舅姑先降，自西階。婦降自阼階。歸，婦俎于婦氏人。【記】饗婦，姑薦焉。婦洗在北堂，直室東隅。饗在東，北面盥。婦酢舅，更爵自薦。不致辭，洗，舅降，則辟于房，不敢拜洗。凡婦人相饗，無降。庶婦，則使人醮之。婦不饋。

饗婦送者，丈夫婦人，如舅姑饗禮。【右饗送者】（記）婦入三月，然後祭行。（右祭行）若舅姑既沒，則婦入三月，乃奠菜。席于廟奧，東面，右几。席于北方，南面，祝盥，婦盥于門外。婦執筭菜，祝帥婦以入，祝告稱婦之姓曰：某氏來婦，敢奠嘉菜于皇舅某子。婦拜扱地，坐奠菜于几東席上，還又拜如初。婦降堂，取筭菜，入祝曰：某氏來婦，敢告于皇姑某氏。奠菜于席，如初禮。婦出，祝闔牖戶，老醴婦于房中，南面，如舅姑醴婦之禮。【右朝見】（記）若不親迎

曰：某以得爲外昏姻，請覿。主人對曰：某以得爲外昏姻之數，某之子未得灑灑于祭祀，是以未敢見。今吾子辱，請吾子之就宮。某將走見。對曰：某以非他故，不足以辱命，請終賜見。對曰：某以得爲昏姻之故，不敢固辭，敢不從。主人出門左，西面，婿入門，東面，奠摯，再拜。出，擯者以摯出，請受。婿禮辭，許，受摯。入，主人再拜受。婿再拜送。出，見主婦，主婦闔扉，立于其內，婿立于門外，東面，主婦一拜，婿答再拜。主婦又拜，婿出，主人請醴，及揖讓入。禮以一獻之禮。主婦薦，奠酬，無幣。婿出，主人送，再拜。【右不親迎增見】（禮記）賀取妻者，曰：某子使某，聞子有客，使某蓋。天子有后，有夫人，有世婦，有嬪，有妾，有妾，公侯有夫人，有世婦，有妾，有妾，天子之妃曰后，諸侯曰夫人，大夫曰孺人，士曰婦人，庶人曰妻。夫人自稱於天子，曰老婦。自稱於諸侯，曰寡小君。自稱於其君，曰小童。自世婦以下，自稱曰婢子。○曲禮

納徵，請期，皆主人筵几于廟，而拜迎于門外，入揖讓而升，聽命于廟，所以敬慎重，正昏禮也。父親醮子而

【禮記】昏禮者，將合二姓之好，上以事宗廟而下以繼後世也。故君子重之。是以昏禮納采、問名、納吉、

納徵，請期，皆主人筵几于廟，而拜迎于門外，入揖讓而升，聽命于廟，所以敬慎重，正昏禮也。父親醮子而

納徵，請期，皆主人筵几于廟，而拜迎于門外，入揖讓而升，聽命于廟，所以敬慎重，正昏禮也。父親醮子而

命之迎。男先于女也。子承命以迎。主人筵几于廟。而拜迎于門外。壻執鴈入。揖讓升堂。再拜奠鴈。蓋親受之于父母也。降出。御婦車而壻授綬。御輪三周。先俟于門外。婦至。壻揖婦以入。共牢而食。合卺而醕。所以合體同尊卑。以親之也。敬慎重正。而后親之。禮之大體。而所以成男女之別。而立夫婦之義也。男女有別。而後夫婦有義。夫婦有義。而後父子有親。父子有親。而後君臣有正。故曰。昏禮者。禮之本也。夫禮。始于冠。本于昏。重于喪祭。尊于朝聘。和于射鄉。此禮之大體也。夙興。婦沐浴以俟。見質明。贊見婦於舅姑。婦執筭。棗栗段脩。以見贊醴。婦祭脯醢。祭醴。成婦禮也。舅姑入室。婦以特豚饋。明婦順也。厥明。舅姑共饗。婦以一獻之禮。奠酬。舅姑先降。自西階。婦降自阼階。以著代也。成婦禮。明婦順。又申之以著代。所以重責婦順焉也。婦順者。順于舅姑。和于室人。而後當于夫。以成絲麻布帛之事。以審守委積蓋藏。是故婦順備。而後內和理。內和理。而後家可長久也。故聖王重之。是以古者婦人先嫁三月。祖廟未毀。教于公宮。祖廟既毀。教于宗室。教以德。婦言。婦容。婦功。教成。祭之。牲用魚。芼之以蘋藻。所以成婦順也。古者天子后立六宮。三夫人。九嬪。二十七世婦。八十一御妻。以德天下之內治。以明章婦順。故天下內和而家理。天子立六官。三公。九卿。二十七大夫。八十一元士。以聽天下之外治。以明章天下之男教。故外和而國治。故曰。天子聽男教。后聽女順。天子理陽道。后治陰德。天子聽外治。后聽內職。教順成俗。外內和順。國家理治。此之謂盛德。是故男教不修。陽事不得。適見于天。日爲之食。婦順不修。陰事不得。適見于天。月爲之食。是故日食。則

天子素服而修六官之職。蕩天子之陽事。月食則后素服而修六宮之職。蕩天下之陰事。故天子之與后猶日之與月。陰之與陽相須而后成者也。天子修男教。父道也。后修女順。母道也。故曰天子之與后猶父之與母也。故爲天王服斬衰。服父之義也。爲后服齊衰。服母之義也。天地合而后萬物興焉。夫昏禮。萬世之始也。取於異姓。所以附遠厚別也。幣必誠。辭無不腆。告之以直信。信事人也。信婦德也。壹與之齊。終身不改。故夫死不嫁。男子親迎。男先於女。剛柔之義也。天先乎地。君先乎臣。其義一也。執摯以相見。敬章別也。男女有別。然後父子親。父子親。然後義生。義生。然後禮作。禮作。然後萬物安。無別無義。禽獸之道也。壻親御授綏。親之也。親之也者。親之也。敬而親之。先王之所以得天下也。出乎大門而先。男帥女。女從男。夫婦之義。由此始也。婦人從人者也。幼從父兄。嫁從夫。夫死從子。夫也者。夫也者。以知帥人者也。玄冕齊戒。鬼神陰陽也。將以爲社稷主。爲先祖後。而可以不致敬乎。共牢而食。同尊卑也。故婦人無爵。從夫之爵。坐以夫之齒。器用陶匏。尚禮然也。三王作牢。用陶匏。厥明。婦盥饋舅姑。卒食。婦餽餘。私之也。舅姑降自西階。婦降自阼階。授之室也。昏禮不用樂。幽陰之義也。樂。陽氣也。昏禮不賀。人之序也。○郊特牲諸侯出夫人。夫人比至于其國。以夫人之禮行。至以夫人入。使者將命曰。寡君不敏。不能從而事社稷宗廟。使使臣某。敢告於執事。主人對曰。寡君固前辭不教矣。寡君敢不敬須。以俟命。有司官陳器皿。主人有司亦官受之。妻出夫。使人致之曰。某不敏。不能從而共粢盛。使某也。敢告于侍者。主人對曰。某之子不肖。不敢

辟誅。敢不敬。須以俟命。使者退。主人拜送之。如舅在。則稱舅。舅沒。則稱兄。無兄。則稱夫。主人之辭曰。某之子不肖。如姑姊妹。亦皆稱之。○雜記

相見禮

【儀禮】士相見之禮。贄冬用雉。夏用脍。左頭奉之。曰。某也。願見。無由達。某子以命。命某見。主人對曰。某子命某見。吾子有辱。請吾子之就家也。某將走見。賓對曰。某不足以辱命。請終賜見。主人對曰。某不敢爲儀。固請吾子之就家也。某將走見。賓對曰。某不敢爲儀。固以請。主人對曰。某也。固辭。不得命。將走見。聞吾子稱贄。敢辭贄。賓對曰。某不以贄。不敢見。主人對曰。某不足以習禮。敢固辭。賓對曰。某也不依於贄。不敢見。固以請。主人對曰。某也。固辭。不得命。敢不敬從。出迎于門外。再拜。賓答再拜。主人揖。入門右。賓奉贄。入門左。主人再拜受。賓再拜送贄。出。主人請見。賓反見。退。主人送于門外。再拜。主人復見之。以其贄。曰。勲者。吾子辱使某見。請還贄于將命者。主人對曰。某也。既得見矣。敢辭。賓對曰。某也。非敢求見。請還贄于將命者。主人對曰。某也。既得見矣。敢固辭。賓對曰。某不敢以聞。固以請于將命者。主人對曰。某也。固辭。不得命。敢不從。賓奉贄入。主人再拜受。賓再拜送贄。出。主人送于門外。再拜。（禮記）聞始見君子者。辭曰。某固願聞名。罕見。曰。聞名。亟見。曰。朝夕。譬。曰。聞名。始入而辭。曰。辭矣。卽席。曰。可矣。排闥說屢于戶內者。一人而已矣。有尊長在則否。○少儀。凡與客入者。每門讓于客。客至于廳門。則主人請入爲席。然後出迎客。客固辭。主人肅客而入。主人入門而右。客入門而左。主人就東階。客就西階。客若降等。則就主人之階。主人固辭。然後客復就西階。主人與客讓登。主人先登。客從之。拾級聚足。連步以上。上於東階。則先右足。上于西階。則先左足。若非飲食之客。



則布度。席閉函丈。主人跪正席。客跪撫席而辭。客徹重席。主人固辭。客踐席。乃坐。主人不問。客不先舉。將卽席。容毋怍。兩手摳衣。去齊尺。衣毋撥。足毋驟。○曲禮

士見于大夫。終辭其

贊于其入一也。拜其辱也。賓退送再拜。若常爲臣者。則禮辭其贊曰。某也辭。不得命。不敢固辭。賓入奠

贊。再拜。主人答壹拜。賓出使擯者還其贊于門外曰。某也使某還贊。賓對曰。某也既得見矣。敢辭。擯者對

曰。某也命某。某非敢爲儀也。敢以請。賓對曰。某也。夫子之賤私。不足以踐禮。敢固辭。擯者對曰。某也使某

不敢爲儀也。固以請。賓對曰。某固辭。不得命。敢不從。再拜受。〔禮記〕士於大夫。不敢拜迎。而拜送。士於尊

下大夫相見。以鴈飾之。以布維之以索。如執雉。上大夫相見。以羔飾之。以布四維之。結于面。左頭如磨。執

之。如士相見之禮。〔禮記〕凡摯。天子鴈。諸侯圭。卿羔。大夫鴈。士雉。庶人之摯。匹。童子委摯而退。野外軍中無摯。以纓拾矢可也。○曲禮。始見于君。執贊至下。容彌蹙。

庶人見于君。不爲容。進退走。士大夫。則奠贊。再拜稽首。君答壹拜。若他邦之人。則使擯者還其贊曰。寡君

使某還贊。賓對曰。君不有其外臣。臣不敢辭。再拜稽首受。〔禮記〕大夫士見於國君。君若勞之。則還辭。再拜稽

賤不敵。主人敬客。則先拜客。客敬主人。則先拜主人。凡非弔喪。非見國君。無不答拜者。大夫見於國君。國君拜其

辱。士見於大夫。大夫拜其辱。同國始相見。主人拜其辱。君於士。不答拜也。非其臣。則答拜之。大夫於其臣。雖賤

必答拜之。男女相答拜也。○曲禮。凡君召。以三節。凡燕見于君。必辯君之南面。若不得。則正方。不疑。君

君在堂。升見無方階。辯君所在。凡言非對也。妥而後傳言。與君言。言使臣。與大人言。言事君。與老者言。言

使弟子。與幼者言。言孝弟于父兄。與衆言。言忠信慈祥。與居官者言。言忠信。凡與大人言。始視面。中視抱

卒視面。毋改衆。皆若是。若父。則遊目。毋上于面。毋下于帶。若不言。立則視足。坐則視膝。〔禮記〕凡侍於君。紳

垂拱。視下而聽上。視帶以  
及袷。聽鄉任左。○玉藻。

凡侍坐于君子。君子欠伸。問日之蚤莫。以食具告。改居。則請退可也。夜待坐。問夜膳。董請退可也。○禮記侍坐於君子。君子欠伸。運笏。澤劍首。還履。問日之蚤莫。雖請退可也。○少儀。侍坐於君子。君子欠伸。攢杖履。視日蚤莫。侍坐者請出矣。○曲禮。若君賜

之食。則君祭。先飯。徧嘗膳。飲而俟。君命之食。然後食。若有將食者。則俟君之食。然後食。若君賜之爵。則下

席。再拜稽首受爵。升席祭。卒爵而俟。君卒爵。然後授虛爵。退坐取履。隱辟而后履。君為之興。則曰。君無為

與。臣不敢辭。君若降送之。則不敢顧。辭遂出。大夫則辭退下。比及門三辭。○禮記侍坐。則必退席。不退。則必引而去君之黨。登席不由前。為

躡席。徒坐不盡席尺。讀書。食。則齊。豆去席尺。若賜之食而君客之。則命之祭。然後祭。先飯。辯嘗羞。飲而俟。若有嘗羞者。則俟君之食。然後食。飲而俟。君命之羞。羞近者。命之品嘗之。然後唯所欲。凡嘗遠食。必廝近食。

君未覆手。不敢噉。君既食。又飯。飯噉者。三飯也。君既徹。執飯與醬。乃出授從者。君若賜之爵。則越席再拜稽首受。登席祭之。飲卒爵而俟。君卒爵。然後授虛爵。君子之飲酒也。受一爵而色洒如也。二爵而言言斯。禮已三爵

而油油。以退。退則坐取屨。隱辟而后屨。坐左納右。坐右納左。凡尊必尙玄酒。唯君面尊。唯饗野人皆酒。大夫側尊用彬。士側尊用禁。○玉藻。若先生異爵者請見之。則辭。辭不

得命。則曰。某無以見。辭不得命。將走見。先見之。非以君命使。則不稱寡。大夫士。則曰。寡君之老。凡自

稱于君。士大夫。則曰。下臣。宅者在邦。則曰。市井之臣。在野。則曰。草茅之臣。庶人。則曰。刺草之臣。他國之人

則曰。外臣。○禮記諸侯使人使於諸侯。使者自稱曰寡君之老。列國之大夫入天子之國。曰某士。自稱曰倍臣某。於外曰寡天。世子自名。擯者曰寡君之適。公子曰臣。驪士曰傳。蒲之臣。於大夫曰外私。大夫私事。使私人擯。則稱名。公士擯。則曰寡大夫。寡君之老。大夫有所往。必與公士為擯也。○玉藻。凡執幣者不趨。容

彌蹙。以為儀。執玉者則唯舒武。舉前曳踵。○禮記凡奉者當心。提者當帶。執天子之器。則上衡。國君則平衡。大夫

左手。行不舉足。車輪曳踵。立則警折垂佩。主佩倚。則臣佩垂。

主佩垂。則臣佩委。執玉。其有藉者則裼。無藉者則襲。○曲禮。

凡執主器。執輕如不克。執主器。操幣圭璧。則尙

鄉飲酒禮

【儀禮】鄉飲酒之禮。主人就先生而謀賓介。主人戒賓。賓拜辱。主人答拜。乃請賓。賓禮辭許。主人再拜。賓答拜。主人退。賓拜辱。介亦如之。〔記〕鄉朝服而謀賓介。皆使能。不宿戒。〔右戒賓介〕乃席賓。主人介。衆賓之席皆不屬焉。尊兩壺于

房戶閒。斯禁有玄酒。在西。設篚于禁南。東肆加二勺于兩壺。設洗于阼階東南。南北以堂深。東西當東榮。水在洗東。篚在洗西南肆。〔記〕蒲筵。緇布純。尊。給。羸。賓。至。徹之。其牲。狗也。享于堂東北。獻用爵。其他用解。薦脯五挺。橫祭于其上。出自左房。俎由東壁。自西階升。賓俎。脊。脅。肺。主人俎。脊。脅。臂。肺。介俎。

脊。脅。肺。肺皆離。皆右體。進腩。〔右設席陳器饌〕奠定。主人速賓。賓拜辱。主人答拜。還。賓拜辱。介亦如之。賓及衆賓皆從之。主人一相迎于門外。再拜賓。賓答拜。拜介。介答拜。揖衆賓。主人揖。先入。賓厭介。入門左。介厭衆賓。入。衆賓皆

入門左。北上。主人與賓三揖。至于階。三讓。主人升。賓升。主人阼階上。當楣北面再拜。賓西階上。當楣北面答拜。主人坐取爵于篚。降洗。賓降。主人坐奠爵于階前。辭。賓對。主人坐取爵。興適洗。南面坐奠爵于篚下。盥洗。賓進。東北面辭洗。主人坐奠爵于篚。興對。賓復位。當西序東面。主人坐取爵。沃洗者西北面。卒洗。主人壹揖。壹讓升。賓拜洗。主人坐奠爵。遂拜降盥。賓降。主人辭。賓對。復位。當西序。卒盥。揖讓升。賓西階上。疑立。主人坐取爵。實之。賓之席前西北面。獻賓。賓西階上拜。主人少退。賓進受爵。以復位。主人阼階上拜送爵。賓少退。薦脯醢。賓升席自西方。乃設折俎。主人阼階東疑立。賓坐。左執爵。祭脯醢。奠爵于薦西。與右手取肺。卻左手執本坐。弗繚。右絕末以祭。尚左手嚙之。興加于俎。坐挽手。遂祭酒。興席未坐。啐酒。降席坐。奠

爵拜告旨執爵興主人阼階上答拜賓西階上北面坐卒爵興坐奠爵遂拜執爵興主人阼階上答拜【右

人獻賓降洗主人降賓坐奠爵興辭主人對賓坐取爵適洗南北面主人阼階東南面辭洗賓坐奠爵

于篚興對主人復阼階東西面賓東北面盥坐取爵卒洗揖讓如初升主人拜洗賓答拜興降盥如主人

禮賓實爵主人之席前東南面酢主人主人阼階上拜賓少退主人進受爵復位賓西階上拜送爵薦脯

醢主人升席自北方設折俎祭如賓禮不告旨自席前適阼階上北面坐卒爵興坐奠爵遂拜執爵興賓

西階上答拜主人坐奠爵于序端阼階上北面再拜崇酒賓西階上答拜【右賓酢主人坐取饌于篚降

洗賓降主人辭降賓不辭洗立當西序東面卒洗揖讓升賓西階上疑立主人實饌酬賓阼階上北面坐

奠饌遂拜執饌興賓西階上答拜坐祭遂飲卒饌興坐奠饌遂拜執饌興賓西階上答拜主人降洗賓降

辭如獻禮升不拜洗賓西階上立主人實饌賓之席前北面賓西階上拜主人少退卒拜進坐奠饌于薦

西賓辭坐取饌復位主人阼階上拜送賓北面坐奠饌于薦東復位主人揖降賓降立于階西當序東面

【記】以爵拜者不徒作凡奠者于左將舉于右凡舉爵三作而不徒爵【右主人酬賓】主人以介揖讓升拜如賓禮主人坐取爵于東序端降洗介降

主人辭降介辭洗如賓禮升不拜洗介西階上立主人實爵介之席前西南面獻介介西階上北面拜主

人少退介進北面受爵復位主人介右北面拜送爵介少退主人立于西階東薦脯醢介升席自北方設

折俎祭如賓禮不嘑肺不啐酒不告旨自南方降席北面坐卒爵興坐奠爵遂拜執爵興主人介右答拜

【右人主獻介】

介降洗。主人復陴階降，辭如初。卒洗。主人盥。介揖讓升。授主人爵于兩楹之間。介西階上立。主

人實爵，酢于西階上。介右坐奠爵，遂拜。執爵興。介答拜。主人坐祭，遂飲。卒爵，興坐奠爵，遂拜。執爵興。介答

拜。主人坐奠爵于西楹南。介右再拜崇酒。介答拜。主人復陴階。揖降。介降，立于賓南。〔記〕主人介凡升席自北方，降自南方。〔右介酢

主人西南面降拜衆賓。衆賓皆答壹拜。主人揖升，坐取爵于西楹下，降洗。升實爵于西階上，獻衆賓。

衆賓之長升拜受者三人。主人拜送，坐祭立飲。不拜既爵，授主人爵。降復位。衆賓獻，則不拜受爵。坐祭立

飲，每一人獻，則薦諸其席。衆賓辯有脯醢。主人以爵降奠于筮。〔記〕衆賓之長一人辭洗，如賓禮。立者東面北上。若有北面者，則東上。樂正與立者皆薦以齒。坐

卒爵者，拜既爵立卒爵者。不拜既爵，〔右主人獻衆賓〕揖讓升。賓厭介升。介厭衆賓升。衆賓序升，即席一人洗。升舉觶于賓。實觶，西階上

坐奠觶，遂拜。執觶興。賓席末答拜，坐祭。遂飲。卒觶，興坐奠觶，遂拜。執觶興。賓答拜，降洗。升實觶，立于西階

上。賓拜進，坐奠觶于薦西。賓辭，坐受以興。舉觶者西階上拜送。賓坐奠觶于其所。舉觶者降。〔右一人舉觶爲旅酬始〕

賓若有遵者，諸公大夫則既一人舉觶，乃入席于賓東。公三重，大夫再重，公如大夫入。主人降。賓介降。衆

賓皆讓復初位。主人迎揖讓升。公升如賓禮。辭一席，使一人去之。大夫則如介禮。有諸公，則辭加席。委于

席端。主人不徹，無諸公，則大夫辭加席。主人對不去加席。〔記〕樂作，大夫不有入。若有諸公，則大夫於主之北。西面，〔右獻〕禮記客爵居左，其飲居右。介爵，辭爵

〔僕爵〕皆居右。○少儀設席于堂簾東上。工四人，二瑟。瑟先相者二人，皆左何瑟，後首，擗越。內弦，右手相。樂正先升，立

于西階東。工入，升自西階北面坐。相者東面坐，遂授瑟。乃降。工歌鹿鳴，四牡，皇皇者華。卒歌，主人獻工。

左瑟一人拜。不興受爵。主人阼階上拜送爵。薦脯醢。使人相祭。工飲。不拜既爵。授主人爵。衆工則不拜受爵。祭飲。辯有脯醢。不祭。大師則爲之洗。賓介降。主人辭降。工不辭洗。笙入堂下。磬南。北面立。樂南。陔。白華。華黍。主人獻之于西階上。一人拜。盡階不升堂。受爵。主人拜送爵。階前坐祭立飲。不拜既爵。升授主人爵。衆笙則不拜受爵。坐祭立飲。辯有脯醢。不祭。乃閒歌。魚麗。笙由庚。歌南有嘉魚。笙崇丘。歌南山有臺。笙由儀。乃合樂。周南。關雎。葛覃。卷耳。召南。鵲巢。采芣。采蘋。工告于樂正。曰。正歌備。樂正告于賓。乃降。〔記〕獻工與上篚。既獻。奠于下篚。其笙則獻諸西階上。磬階間。縮霤。北面鼓之。〔右樂賓〕主人降席自南方。側降。作相爲司正。司正禮辭許諾。主人拜。司正答拜。主人升。復席。司正洗觶。升自西階。阼階上北面受命于主人。主人曰。請安于賓。司正告于賓。賓禮辭許。司正告于主人。主人阼階上再拜。賓西階上答拜。司正立于楹閒以相拜。皆揖。復席。司正實觶。降自西階。階閒北面坐奠觶。退共少立。坐取觶。不祭。遂飲。卒觶。興坐奠觶。遂拜。執觶興。洗北面坐奠觶于其所。退立于觶南。〔記〕司正既舉觶。而薦諸其位。〔右立司正〕賓北面坐取俎西之觶。阼階上北面酬主人。主人降席立于賓東。賓坐奠觶。遂拜。執觶興。主人答拜。不祭。立飲。不拜。卒觶。不洗。實觶。東南面授主人。主人阼階上拜。賓少退。主人受觶。賓拜送于主人之西。賓揖。復席。主人西階上酬介。介降席自南方。立于主人之西。如賓酬主人之禮。主人揖。復席。司正升相旅。曰。某子受酬。受酬者降席。司正退立于序端。東面受酬者自介右。衆受酬者受自左。拜興飲。皆如賓酬主人之禮。辯。卒受者以觶降。坐奠于篚。司正降復位。〔記〕凡旅不洗。不洗者不祭。既旅。士不入。〔右旅酬〕使二人舉觶。

于賓介洗。升實觶于西階上。皆坐奠觶。遂拜。執觶與賓介席末答拜。皆坐祭。遂飲。卒觶。與坐奠觶。遂拜。執觶與賓介席末答拜。逆降洗。升實觶。皆立于西階上。賓介皆拜。皆進薦西奠之。賓辭。坐取觶以興。介則薦南奠之。介坐受以興。退皆拜送。降。賓介奠于其所。司正升自西階。受命于主人。主人曰：請坐于賓。賓辭以俎。主人請徹俎。賓許。司正降階前。命弟子俟徹俎。司正升立于席端。賓降席北面。主人降階。阼階上北面。介降席。西階上北面。尊者降席。席東南面。賓取俎。還授司正。司正以降。賓從之。主人取俎。還授弟子。弟子以降。自西階。主人降自阼階。介取俎。還授弟子。弟子以降。介從之。若有諸公大夫。則使人受俎。如賓禮。衆賓皆降。〔記〕徹俎。賓介適者之俎。受者以降。遂出。授從者。主人之俎。以東。〔右徹俎〕說屨。揖讓。如初升坐。乃羞。無算爵。無算樂。賓出。奏陔。主人送于門外。再拜。〔記〕主人之贊者。四面北上。不與。無算爵。然後與。樂正命奏陔。賓出。至于階。陔作。〔右爵樂無算〕明日。賓服鄉服。以拜賜。主人如賓服。以拜辱。主人釋服。乃息。司正無介。不殺薦脯醢。羞唯所有。徵唯所欲。以告于先生。君子可也。賓介不與。鄉樂唯欲。〔右息司正〕

【禮記】鄉飲酒義 鄉飲酒之義。主人拜迎賓于庠門之外。入三揖而后至階。三讓而后升。所以致尊讓也。盥洗揚觶。所以致絜也。拜至。拜洗。拜受。拜送。拜既。所以致敬也。尊讓絜敬也者。君子之所以相接也。君子尊讓則不爭。絜敬則不慢。不慢不爭。則遠於鬪辨矣。不鬪辨。則無暴亂之禍矣。斯君子所以免於人禍也。故聖人制之以道。鄉人士君子。尊于房戶之間。賓主共之也。尊有玄酒。貴其質也。羞出自東房。主人共之也。洗當東榮。主人之所以自絜。而以事賓也。賓主象天地也。介。僕象陰陽也。三賓。象三光也。讓之三也。象月

之三日而成魄也。四面之坐。象四時也。天地嚴凝之氣。始于西南而盛于西北。此天地之尊嚴氣也。此天  
 地之義氣也。天地溫厚之氣。始于東北而盛于東南。此天地之盛德氣也。此天地之仁氣也。主人者尊賓。  
 故坐賓于西北。而坐介于西南。以輔賓。賓者。接人以義者也。故坐于西北。主人者。接人以仁。以德厚者也。  
 故坐于東南。而坐僎于東北。以輔主人也。仁義接。賓主有事。俎豆有數。曰聖。聖立而將之以敬。曰禮。禮以  
 體長幼。曰德。德也者。得于身也。故曰古之學術道者。將以得身也。是故聖人務焉。祭薦祭酒。敬禮也。嘽肺。  
 嘗禮也。啐酒。成禮也。于席末。言是席之正。非專爲飲食也。爲行禮也。此所以貴禮而賤財也。卒禰致實于  
 西階上。言是席之上。非專爲飲食也。此先禮而後財之義也。先禮而後財。則民作敬讓而不爭矣。鄉飲  
 酒之禮。六十者坐。五十者立侍。以德政役。所以明尊長也。六十者三豆。七十者四豆。八十者五豆。九十者  
 六豆。所以明養老也。民知尊長養老。而后乃能入孝弟。民入孝弟。出尊長養老。而后成教。成教而后國可  
 安也。君子之所謂孝者。非家至而日見之也。合諸鄉射。教之鄉飲酒之禮。而孝弟之行立矣。鄉飲酒之  
 義。立賓以象天。立主以象地。設介僎以象日月。立三賓以象三光。古之制禮也。經之以天地。紀之以日月。  
 參之以三光。政教之本也。烹狗于東方。祖陽氣之發于東方也。洗之在阼。其水在洗東。祖天地之左海也。  
 尊有玄酒。教民不忘本也。賓必南鄉。東方者春。春之爲言蠢也。產萬物者。聖也。南方者夏。夏之爲言假也。  
 養之長之假之仁也。西方者秋。秋之爲言愁也。愁之以時察。守義者也。北方者冬。冬之爲言中也。中者藏



也是以天子之立也。左聖鄉仁，右義借藏也。介必東鄉，介賓主也。主人必居東方，東方者春，春之爲言蠢也。產萬物者也。主人者，造之產萬物者也。月者，三日則成魄，三月則成時，是以禮有三讓。建國必立三卿，三賓者，政教之本，禮之大參也。

### 燕禮

【儀禮】燕禮。小臣戒與者，膳宰具官饌于寢東，樂人縣，設洗篚于阼階東南，當東霑，壘水在東，篚在洗西，南肆，設膳篚在其北，西面，司宮尊于東楹之西，兩方壺，左玄酒，南上，公尊瓦大兩，有豐，幕用綌，若錫，在尊南，南上，尊士旅食于門西，兩圓壺，司宮筵賓于戶西，東上，無加席也。射人告具也。〔記〕燕，朝服，子饗，具牲，狗也。享于門外東方。〔右陳設〕小臣設公席于阼階上，西鄉，設加席，公升，卽位于席，西鄉，小臣納卿大夫，卿大夫皆入門右，北面，東上，士立于西方，東面，北上，祝史立于門東北面，東上，小臣師一人在東堂下，南面，士旅食者立于門西，東上，公降立于阼階之東南，南鄉，爾卿，卿西北面上，爾大夫，大夫皆少進，射人請賓，公曰：命某爲賓，射人命賓，賓少進，禮辭，反命，又命之，賓再拜稽首許諾，射人反命，賓出，立于門外，東面，公揖卿大夫，乃升就席，小臣自阼階下，北面，請執幕者與羞膳者，乃命執幕者，執幕者升自西階，立于尊南，北面，東上，膳宰請羞于諸公，卿者。〔記〕與卿燕，則大夫爲賓，與大夫燕，亦大夫爲賓，羞膳者與執幕者，皆士也。羞卿者，小膳宰也。凡薦與羞者，小膳宰也。〔右倍次〕射人納賓，賓入及庭，公降一等，揖之，公

升就席，賓升自西階，主人亦升自西階，賓又北面至，再拜，賓答再拜，主人降洗，洗南西北面，賓降階，西，東

面主人辭降賓對主人北面盥坐取觚洗賓少進辭洗主人坐奠觚于篚興對賓反位主人卒洗賓揖乃升主人升賓拜洗主人賓右奠觚答拜降盥賓降主人辭賓對卒盥賓揖升主人升坐取觚執幕者舉幕主人酌膳執幕者反幕主人筵前獻賓賓西階上拜筵前受爵反位主人賓右拜送爵膳宰薦脯醢賓升筵膳宰設折俎賓坐左執爵右祭脯醢奠爵于薦右興取肺坐絕祭嚼之興加于俎坐挽手執爵遂祭酒興席末坐啐酒降賓坐奠爵拜告旨執爵興主人答拜賓西階上北面坐卒爵興坐奠爵遂拜主人答拜

【右主人獻賓】

賓以虛爵降主人降賓洗南坐奠觚少進辭降主人東面對賓坐取觚奠于篚下盥洗主人辭

洗賓坐奠觚于篚興對卒洗及階揖升主人升拜洗如賓禮賓降盥主人降賓辭降卒盥揖升酌膳執幕如初以酢主人于西階上主人北面拜受爵賓主人之左拜送爵主人坐祭不啐酒不拜酒不告旨遂卒爵興坐奠爵拜執爵興賓答拜主人不崇酒以虛爵降奠于篚賓降立于西階西射人升賓賓升立于序西東面【記】惟公與賓有俎【右賓酢主人】主人盥洗象觚升實之東北面獻于公公拜受爵主人降自西階阼階下北面

拜送爵士薦脯醢膳宰設折俎升自西階公祭如賓禮膳宰贊授肺不拜酒立卒爵坐奠爵拜執爵興主人答拜升受爵以降奠于膳篚更爵洗升酌膳酒以降酢于阼階下北面坐奠爵再拜稽首公答再拜主人坐祭遂卒爵再拜稽首公答再拜主人奠爵于篚【記】獻公曰臣敢奏爵以聽命【右主人獻公及自酢】主人盥洗升饔觚于賓酌散西階上坐奠爵拜賓賓降筵北面答拜主人坐祭遂飲賓辭卒爵拜賓答拜主人降洗賓降主人辭降賓

辭洗。卒洗。揖升。不拜洗。主人酌膳。賓西階上拜。受爵于筵前。反位。主人拜送爵。賓升席。坐祭酒。遂奠于薦東。主人降復位。賓降筵。西東南面立。【右主人酬賓】小臣自阼階下請媵爵者。公命長。小臣作下大夫二人媵。

爵。媵爵者阼階下皆北面再拜稽首。公答再拜。媵爵者立于洗南。西面北上。序進盥洗角。觶。升自西階。序進酌散。交于楹北。降阼階下皆奠。觶再拜稽首。執觶興。公答再拜。媵爵者皆坐祭。遂卒。觶興坐奠。觶再拜稽首。執觶興。公答再拜。媵爵者執觶待于洗南。小臣請致者。若君命皆致。則序進奠。觶于篚。阼階下皆再拜稽首。公答再拜。媵爵者洗象。觶升實之。序進坐奠于薦南。北上降阼階下皆再拜稽首。送觶。公答再拜。公坐取大夫所媵。觶興以酬賓。賓降西階下再拜稽首。公命小臣辭。賓升成拜。公坐奠。觶答再拜。執觶興立。卒。觶賓下拜。小臣辭。賓升再拜稽首。公坐尊。觶答再拜。執觶興。賓進受虛爵。降奠于篚。易。觶洗。公有命。則不易不洗。反升酌膳。觶下拜。小臣辭。賓升再拜稽首。公答再拜。賓以旅酬于西階上。射人作大夫長升。受旅。賓大夫之右坐奠。觶拜。執觶興。大夫答拜。賓坐祭。立飲。卒。觶不拜。若膳。觶也。則降更。觶洗。升實散。大夫拜受。賓拜送。大夫辯受酬。如受賓酬之禮。不祭。卒受者以虛。觶降奠于篚。【記】凡公所酬。既拜請旅待臣。凡公所辭。皆栗階。凡栗階不過二等。【右公爲賓舉旅】主人洗。升實散。獻卿于西階上。司宮兼卷重席。設于賓左。東上。卿升。拜受觚。主人拜送觚。卿辭。重席。司宮徹之。乃薦脯醢。卿升席坐。左執爵。右祭脯醢。遂祭酒。不啐酒。降席。西階上北面坐。卒爵興。坐奠爵。拜。執爵興。主人答拜。受爵。卿降復位。辯獻卿。主人以虛爵降。奠于篚。射人乃升卿。卿皆升就席。若有諸

公則先卿獻之。如獻卿之禮。席于阼階西北面東上。無加席。〔右主人獻孤卿〕小臣又請媵爵者。二大夫媵爵如

初。請致者。若命長致。則媵爵者奠觶于篚。一人待于洗南。長致致者阼階下再拜稽首。公答再拜。洗象觶。

升實之。坐奠于薦南。降與立于洗南者二人皆再拜稽首送觶。公答再拜。公又行一爵。若賓若長。唯公所

酬。以旅于西階上。如初。大夫卒受者以虛觶降。奠于篚。〔右公爲卿舉旅〕主人洗。升獻大夫于西階上。大夫升拜

受觶。主人拜送觶。大夫坐祭。立卒爵。不拜既爵。主人受爵。大夫降復位。胥薦主人于洗北。西面。脯醢無脔。

辯獻大夫。遂薦之。繼賓以西東上。卒射人乃升大夫。大夫皆就席。〔右主人獻大夫〕席工于西階上。少東。樂正先

升。北面立于其西。小臣納工。工四人。二瑟。小臣左何瑟。面鼓。執越。內弦。右手相入。升自西階。北面東上坐。

小臣坐授瑟。乃降。工歌鹿鳴。四牡。皇皇者華。卒歌。主人洗。升獻工。工不興。左瑟一人拜受爵。主人西階上

拜送爵。薦脯醢。使人相祭。卒爵。不拜。主人受爵。衆工不拜受爵。坐祭。遂卒爵。辯有脯醢。不祭。主人受爵。降

奠于篚。公又舉奠觶。唯公所賜。以旅于西階上。如初。卒。笙入。立于縣中。奏南陔。白華。華黍。主人洗。升獻笙

于西階上。一人拜。盡階不升堂。受爵降。主人拜送爵。階前坐祭。立卒爵。不拜既爵。升授主人。衆笙不拜受

爵。降坐祭。立卒爵。辯有脯醢。不祭。乃閒歌魚麗。笙由庚。歌南有嘉魚。笙崇丘。歌南山有臺。笙由儀。遂歌鄉

樂。周南關雎。葛覃。卷耳。召南鵲巢。采芣。采蘋。大師告樂正曰。正歌備。樂正由楹內東楹之東。告于公。乃降。

復位。〔記〕若以樂納賓。則賓及庭。奏肆夏。賓拜酒。主人答拜。而樂闋。公拜受爵。而奏肆夏。公卒爵。射人自阼階下請

主人升。受爵以下。而樂闋。升歌鹿鳴。下管新宮。笙入三成。遂合鄉樂。若舞則勺。〔右樂賓〕

立辭司正。公許射人。遂爲司正。司正洗角觶。南面坐奠于中庭。升東楹之東受命。西階上北面命卿大夫。

公曰：「以我安。」卿大夫皆對曰：「諾，敢不安。」司正降自西階。南面坐取觶。升酌散降。南面坐奠觶。右還。北面少

立。坐取觶。興坐不祭。卒觶。奠之。興再拜稽首。左還。南面坐取觶洗。南面反奠于其所。升自西階。東楹之東。

請徹俎降。公許。告于賓。賓北面取俎。以出。膳宰徹公俎。降自左階。以東。卿大夫皆降。東面北上。賓反入。及

卿大夫皆說屨。升就席。公以賓及卿大夫皆坐。乃安。羞庶羞。大夫祭薦。司正升受命。皆命。君曰：「無不醉。」賓

及卿大夫皆興。對曰：「諾，敢不醉。」皆反坐。〔記〕有內羞。主人洗升。獻士于西階上。士長升拜受觶。主人拜

送觶。士坐祭立飲。不拜既爵。其他不拜坐祭立飲。乃薦司正與射人一人。司士一人執幕。二人立于觶南。

東上。辯獻士。士既獻者。立于東方。西面北上。乃薦士祝史小臣師。亦就其位而薦之。主人就旅食之尊而

獻之。旅食不拜受爵。坐祭立飲。〔右主人〕若射則大射正爲司射。如鄉射之禮。〔記〕君與射則爲下射。祖朱襦

稍屬。不以樂志。既發則小臣受弓。以授弓人。上射退于物一箭。既發。則答君而俟。若飲君。燕則夾爵。君在。大夫射則肉袒。〔右燕射〕賓降洗。升饔餼于公。酌散。下拜。公降一

等。小臣辭。賓升再拜稽首。公答再拜。賓坐祭。卒爵再拜稽首。公答再拜。賓降洗象觶。升酌膳。坐奠于薦南。

降拜。小臣辭。賓升成拜。公答再拜。賓反位。公坐取賓所饔餼。與唯公所賜受者。如初受酬之禮。降更爵洗。

升酌膳。下拜。小臣辭。升成拜。公答拜。乃就席。坐行之。有執爵者。唯受于公者拜。司正命執爵者爵辯。卒受

者與以酬士大夫。卒受者以爵與。西階上酬士。士升。大夫奠爵拜。士答拜。大夫立卒爵。不拜。實之。士拜受。

大夫拜送。士旅于西階上。辯。士旅酌。卒。【右公爲士舉旅】主人洗。升自西階。獻庶子于阼階上。如獻士之禮。辯。降

洗。遂獻左右正與內小臣。皆于阼階上。如獻庶子之禮。【右主人獻庶子以下】無算爵。士也。有執膳爵者。有執散爵者。

執膳爵者。酌以進公。公不拜受。執散爵者。酌以之。公命所賜。所賜者。與受爵。降席下。奠爵。再拜稽首。公答

拜。受賜爵者。以爵就席坐。公卒爵。然後飲。執膳爵者。受公爵。酌。反奠之。受賜爵者。與授執散爵。執散爵者。

乃酌行之。唯受爵于公者拜。卒受爵者。與以酬士于西階上。士升。大夫不拜。乃飲。實爵。士不拜受爵。大夫

就席。士旅酌。亦如之。公有命徹。則卿大夫皆降。西階下。北面東上。再拜稽首。公命小臣辭。公答。再拜。大

夫皆辟。遂升。反坐。士終旅於上。如初。無算樂。宵。則庶子執燭于阼階上。司宮執燭于西階上。甸人執大燭

于庭。閹人爲大燭于門外。賓醉。北面坐。取其薦脯以降。奏陔。賓所執脯。以賜鐘人于門內。霑。遂出。卿大夫

皆出。公不送。【右無算爵實出】

【禮記】燕義 諸侯燕禮之義。君立阼階之東南。南鄉。爾卿大夫皆少進。定位也。君席阼階之上。居主位也。

君獨升。立席上。西面特立。莫敢適之義也。設賓主。飲酒之禮也。使宰夫爲獻主。臣莫敢與君亢禮也。不以

公卿爲賓。而以大夫爲賓。爲疑也。明嫌之義也。賓入中庭。君降一等而揖之。禮之也。君舉旅于賓。及君所

賜爵。皆降再拜稽首。升成拜。明臣禮也。君答拜之。禮無不答。明君上之禮也。臣下竭力盡能以立功于國。

君必報之以爵祿。故臣下皆務竭力盡能以立功。是以國安。而君寧。禮無不答。言上之不虛取於下也。上

必明正道以道民。民道之而有功。然後取其什一。故上用足而下不匱也。是以上下和親而不相怨也。和寧禮之用也。此君臣上下之大義也。故曰燕禮者。所以明君臣之義也。席。小卿次。上卿。大夫次。小卿。士。庶子。以次就位。于下。獻君。君舉旅行酬。而後獻卿。卿舉旅行酬。而後獻大夫。大夫舉旅行酬。而後獻士。士舉旅行酬。而後獻庶子。俎豆牲體薦羞。皆有等差。所以明貴賤也。





# 釋史卷二十四

## 周禮之制二

### 鄉射禮

【儀禮】鄉射之禮。主人戒賓。賓出迎。再拜。主人答再拜。乃請。賓禮辭許。主人再拜。賓答再拜。主人退。賓送。再拜。無介。〔記〕大夫與。則公士爲賓。使能。不宥戒。〔右戒賓〕乃席賓。南面東上。衆賓之席繼而西。席主人于阼階上。西面。尊于賓。

席之東。兩壺。斯禁。左玄酒。皆加勺。篚在其南。東肆。設洗于阼階東南。南北以堂深。東西當東榮。水在洗東。

篚在洗西南。肆。縣于洗東北。西面。〔記〕清筵。緇布純。西序之席北上。尊綵幕。賓至。徹之。其牲、狗也。亨于堂東。北。獻用爵。其他用罍。薦脯用簠。五臠。祭牛臠。橫于上。醢以豆。出自東房。

臠。長尺二寸。俎由東壁。自西階升。賓俎。脊。脅。肩。肺。主。人俎。脊。脅。臂。肺。肺皆離。皆右體也。進膳。脊。脅。肩。肺。主。乃張侯。下綱不及地。武不繫。左下綱。中掩束。

之。乏參侯道。居侯黨之一。西五步。〔記〕凡侯。天子熊侯。白質。諸侯麋侯。赤質。大夫布侯。畫以虎豹。士布侯。畫

倍中以爲躬。倍躬以爲左右。舌。下。舌。牛。上。舌。〔右張侯〕羹定。主人朝服。乃速賓。賓朝服出迎。再拜。主人答再拜。退。賓送。再拜。賓及衆賓。

遂從之。及門。主人一相出迎于門外。再拜。賓答再拜。揖衆賓。主人以賓揖。先入。賓厭衆賓。衆賓皆入門。左。

東面北上。賓少進。主人以賓三揖。皆行。及階。三讓。主人升一等。賓升。主人阼階上。當楣北面。再拜。賓西階。

上。當楣北面。答再拜。〔右速賓〕主人坐取爵于上。篚以降。賓降。主人阼階前。西面坐奠爵。興辭降。賓對。主人

坐取爵。興適洗。南面坐奠爵于篚下。盥洗。賓進。東北面辭洗。主人坐奠爵于篚。興對。賓反位。主人卒洗。壹揖。讓以賓升。賓西階上北面拜洗。主人阼階上北面奠爵。遂答拜。乃降。賓降。主人辭降。賓對。主人卒盥。壹揖。讓升。賓升。西階上疑立。主人坐取爵。實之。賓席之前。西北面獻賓。賓西階上北面拜。主人少退。賓進受爵于席前。復位。主人阼階上拜送爵。賓少退。薦脯醢。賓升席自西方。乃設折俎。主人阼階東疑立。賓坐。左執爵。右祭脯醢。奠爵于薦西。興取肺。坐絕祭。尙左手。嚙之。興加于俎。坐挽手。執爵。遂祭酒。興席末坐。啐酒。降席。坐奠爵。拜告旨。執爵興。主人阼階上答拜。賓西階上北面坐卒爵。興坐奠爵。遂拜。執爵興。主人阼階上答拜。【右主人獻賓】賓以虛爵降。主人降。賓西階前東面坐奠爵。興辭降。主人對。賓坐取爵。適洗。北面坐奠爵于篚下。興盥洗。主人阼階之東南面辭洗。賓坐奠爵于篚。興對。主人反位。賓卒洗。揖讓如初。升。主人拜洗。賓答拜。興降盥。如主人之禮。賓升實爵。主人之席前。東南面酢主人。主人阼階上拜。賓少退。主人進受爵。復位。賓西階上拜送爵。薦脯醢。主人升席自北方。乃設折俎。祭如賓禮。不告旨。自席前適阼階上。北面坐卒爵。興坐奠爵。遂拜。執爵興。賓西階上北面答拜。主人坐奠爵于序端。阼階上再拜。崇酒。賓西階上答再拜。【右賓酢主人】主人坐取觶于篚。以降。賓降。主人奠觶。辭降。賓對。東面立。主人坐取觶洗。賓不辭洗。卒洗。揖讓升。賓西階上疑立。主人實觶。酬之。阼階上北面坐奠觶。遂拜。執觶興。賓西階上北面答拜。主人坐祭。遂飲。卒觶。興坐奠觶。遂拜。執觶興。賓西階上北面答拜。主人降洗。賓降辭。如獻禮。升。不拜洗。賓西階

上立。主人實觶。賓之席前北面。賓西階上拜。主人坐奠觶于薦西。賓辭。坐取觶以與。反位。主人阼階上拜送。賓北面坐奠觶于薦東。反位。主人揖降。賓降。東面立于西階西。當西序。〔記〕凡奠者於左。將舉者於右。〔右主人酬賓〕。主人西

南面三拜衆賓。衆賓皆答一拜。主人揖升。坐取爵于序端。降洗。升實爵。西階上獻衆賓。衆賓之長升拜受

者三人。主人拜送。坐祭立飲。不拜既爵。授主人爵。降復位。衆賓皆不拜受爵。坐祭立飲。每一人獻。則薦諸

其席。衆賓辯有脯醢。主人以虛爵降。奠于篚。〔記〕以爵拜者不徒作。凡舉爵三作而不徒爵。衆賓之長一人辭洗。如賓禮。立者東面北上。樂正與立者齒。〔右主人獻衆賓〕。揖

讓升。賓厭衆賓升。衆賓皆升。就席一人洗。舉觶于賓。升實觶。西階上坐奠觶。拜。執觶與賓。席末答拜。舉觶

者坐祭。遂飲。卒觶。興。坐奠觶。拜。執觶與賓。答拜。降洗。升實之。西階上北面賓拜。舉觶者進。坐奠觶于薦西。

賓辭。坐取以與。舉觶者西階上拜送。賓反奠于其所。舉觶者降。〔右一人舉觶爲旅酬〕。大夫若有遵者。則入門左。主人

降。賓及衆賓皆降。復初位。主人揖讓。以大夫升。拜至。大夫答拜。主人以爵降。大夫降。主人辭降。大夫辭洗。

如賓禮。席于尊東。升。不拜洗。主人實爵。席前獻于大夫。大夫西階上拜。進受爵。反位。主人大夫之右拜送。

大夫辭加席。主人對。不去加席。乃薦脯醢。大夫升席。設折俎。祭如賓禮。不祭肺。不啐酒。不告旨。西階上卒

爵拜。主人答拜。〔記〕若有諸公。則如賓禮。大夫。如介禮。無諸公。則大夫如賓禮。樂作。大夫不入。〔右獻大夫〕。大夫降洗。主人復阼階。降辭。如初。卒洗。主

人盥。揖讓升。大夫授主人爵于兩楹間。復位。主人實爵。以酢于西階上。坐奠爵。拜。大夫答拜。坐祭。卒爵。拜

大夫答拜。主人坐奠爵于西楹南。再拜崇酒。大夫答拜。主人復阼階。揖降。大夫降。立于賓南。主人揖讓以

賓升。大夫及衆賓皆升。就席。〔右大夫。離主人。〕席工于西階上。少東。樂正先升。北面立于其西。工四人。二瑟。瑟先

相者皆左何瑟。面鼓。執越。內弦右手相入。升自西階。北面東上。工坐。相者坐授瑟。乃降。笙入。立于縣中。西

而。乃合樂。周南關雎。葛覃。卷耳。召南鵲巢。采芣。采蘋。工不興。告于樂正。曰。正歌備。樂正告于賓。乃降。主人

取爵于上篚。獻工。大師則爲之洗。賓降。主人辭降。工不辭洗。卒洗。升實爵。工不興。左瑟一人拜受爵。主人

阼階上拜送爵。薦脯醢。使人相祭。工飲。不拜。既爵。授主人爵。衆工不拜受爵。祭飲。辯有脯醢。不祭。不洗。遂

獻笙于西階上。笙一人拜于下。盡階不升堂。受爵。主人拜送爵。階前坐祭。立飲。不拜。既爵。升授主人爵。衆

笙不拜受爵。坐祭。立飲。辯有脯醢。不祭。主人以爵降。奠于篚。反升。就席。〔記〕三笙一和而成聲。獻工與笙。取爵于上篚。既獻奠于下篚。其笙則獻諸西

階上。〔右樂賓。〕主人降席自南方。側降。作相爲司正。司正禮辭。許諾。主人再拜。司正答拜。主人升就席。司正洗觶。

升自西階。由楹內。適阼階上。北面受命于主人。西階上北面請安于賓。賓禮辭。許。司正告于主人。遂立于

楹間以相拜。主人阼階上再拜。賓西階上答再拜。皆揖就席。司正實觶。降自西階。中庭北面坐奠觶。興。退

少立。進坐取觶。興。反坐。不祭。遂卒觶。興。坐奠觶。拜。執觶興。洗北面坐奠于其所。興。少退。北面立于觶南。未

旅。〔記〕司正。既舉觶而薦。諸其位。〔右立司正。〕三耦俟于堂西。南面東上。司射適堂西。袒決。遂取弓于階西。兼挾乘矢。升自西階。

階上北面告于賓。曰。弓矢既具。有司請射。賓對曰。某不能爲。二三子許諾。司射適阼階上。東北面告于主

人。曰。請射于賓。賓許。司射降自西階。階前西面命弟子納射器。乃納射器。皆在堂西。賓與大夫之弓倚于

西序。矢在弓下。北括。衆弓倚于堂西。矢在其上。主人之弓。矢在東序東。司射不釋弓。矢遂。以比三耦於堂西。三耦之南。北面。命上射曰。某御於子。命下射曰。子與某子射。司正爲司馬。司馬命張侯。弟子說東。遂繫左下綱。司馬又命獲者倚旌於侯中。獲者由西方。坐取旌。倚于侯中。乃退。樂正適西方。命弟子贊工。遷樂于下。弟子相工。如初。入降。自西階。阼階下之東南。堂前三筭。西而北上。坐。樂正北面。立于其南。〔記〕三耦者射前戒之。司射之弓。矢與扑。倚于西階之西。司射既祖。決遂而升。司馬階前命張侯。遂命倚旌。旌各以其物。無物。則以白羽與朱羽。檠。杠長三仞。以鴻脰。檠上二尋。凡挾矢。於一指之間。橫之。司射在司馬之北。司馬無事不執弓。〔右請耦〕

授矢。三耦皆執弓。搢三而挾一个。司射先立于所設中之西南。東面。三耦皆進。由司射之西。立于其西南。東面。北上而俟。司射東面。立于三耦之北。搢三而挾一个。揖進。當階北面。揖及階。揖升堂。揖。豫則鉤楹內。堂則由楹外。當左物。北面。揖及物。揖左足履物。不方足。還視侯中。俯正足。不去旌。誘射。將乘矢。執弓不挾。右執弦。南面。揖。揖如升射。降。出于其位南。適堂西。改作一个。挾之。遂適階西。取扑。搢之。以反位。〔記〕射自楹。其間容弓。距隨長武。序則物當棟。堂則物當楹。楚。其間容弓。刊木尺。射者有過。則撻之。〔右司射誘射〕司馬命獲者執旌。以負侯。獲者適侯。執旌負侯。而俟。司射還。當上耦。西面。作上耦射。司射反位。上耦揖進。上射在左。竝行。當階北面。揖及階。揖上射。先升三等。下射從之。中等。上射升堂。少左。下射升。上射揖。竝行。皆當其物北面。揖及物。揖皆左足履物。還視侯中。合足而俟。司馬適堂西。不決遂。袒執弓。出于司射之南。升自西階。鉤楹。由上射之後。西南面。立于物間。右執簫。

南揚弓命去侯。獲者執旌許諾。聲不絕。以至于乏。旌坐東面。偃興而俟。司馬出于下射之南。還其後。降自西階。反由司射之南。適堂西。釋弓。襲反位。立于司射之南。司射進。與司馬交于階前。相左。由堂下西階之東。北面視上射。命曰：無射獲。無獵獲。上射揖。司射退。反位。乃射。上射既發。挾弓矢。而后下射射。拾發。以將乘矢。獲者坐而獲。舉旌以商。獲而未釋獲。卒射。皆執弓不挾。南面揖。揖如升射。上射降三等。下射少右。從之。中等竝行。上射于左。與升射者相左。交于階前。相揖。由司馬之南。適堂西。釋弓。說決拾。襲而俟于堂西南面。東上。三耦卒射。亦如之。司射去扑。倚于西階之西。升坐而告于賓曰：三耦卒射。賓揖。司射降。搯扑反位。〔記〕命負侯者由其位。上射於右。始射。獲而未釋獲。復釋獲。復用樂行之。〔右三耦初射〕司馬適堂西。袒執弓。由其位南進。與司射交于階前。相左。升自西階。鉤楹。自右物之後。立于物間。西南面。揖弓。命取矢。獲者執旌許諾。聲不絕。以旌負侯而俟。司馬出于左物之南。還其後。降自西階。遂適堂前。北面立于所設楹之南。命弟子設楹。乃設楹于中庭。南當洗。東肆。司馬由司射之南退。釋弓于堂西。襲反位。弟子取矢。北面坐。委于楹。北括。乃退。司馬襲進。當楹南。北面坐。左右撫矢而乘之。若矢不備。則司馬又袒執弓如初。升命曰：取矢不索。弟子自西方。應曰：諾。乃復求矢。加于楹。〔記〕旌長如箭。博三寸。厚寸有半。龍首。其中蛇交章當。楹。橫而奉之。南面坐而奠之。南北當洗。〔右取矢〕司射倚扑于階西。升。請射于賓。如初。賓許諾。賓主人大夫若皆與射。則遂告于賓。適階上。告于主人。主人與賓爲耦。遂告于大夫。大夫雖衆。皆與士爲耦。告于大夫曰：某御于子。西階上北面作衆賓射。司射降。搯扑。由司馬之南。適堂西。立比衆耦。

衆賓將與射者皆降。由司馬之南適堂西，繼三耦而立。東上，大夫之耦爲上。若有東面者，則北上。賓主人與大夫皆未降，司射乃比衆耦。辯〔記〕衆賓將與射者不降。〔右次射比耦〕遂命三耦拾取矢。司射反位，三耦拾取矢，皆袒決遂。執弓進立于司馬之西南，司射作上耦取矢。司射反位，上耦揖進，當楅，北面揖。及楅，揖上射東面，下射西面。上射揖進，坐橫弓，卻手自弓下取一個，兼諸弣，順羽且興，執弦而左還。退反位，東面揖，下射進，坐橫弓，覆手自弓上取一個，興其他如上射。既拾取乘矢，揖皆左還。南面揖，皆少進，當楅南，皆左還。北面，搯三挾一個，揖皆左還。上射於右，與進者相左相揖。反位，三耦拾取矢，亦如之。後者遂取誘射之矢，兼乘矢而取之。以授有司于西方，而後反位。衆賓未拾取矢，皆袒決遂。執弓搯三挾一個，由堂西進，繼三耦之南而立。東面北上，大夫之耦爲上。〔記〕取誘射之矢者，既拾取矢，而后兼誘射之乘矢而取之。〔右拾取矢就位〕司射作射如初，一耦揖升如初。司馬命去侯，獲者許諾。司馬降，釋弓反位。司射猶挾一個去，扑與司馬交于階前，升請釋獲于賓。賓許降，搯扑，西面立于所設中之東，北面命釋獲者設中，遂視之。釋獲者執鹿中，一人執算以從之。釋獲者坐設中，南當楅，西當西序，東面興受算，坐實八算于中，橫委其餘于中西，南末興，共而俟。司射遂進，由堂下北面命曰：「不貫不釋。」上射揖，司射退反位。釋獲者坐取中之八算，改實八算于中，興執而俟。乃射。若中，則釋獲者坐而釋獲。每一個釋一算，上射于右，下射于左。若有餘算，則反委之。又取中之八算，改實八算于中，興執而俟。三耦卒射，賓主人大夫揖，皆由其階降。揖，主人堂東袒決遂，弓執搯三挾一個，賓于堂西亦如之。皆由其階。

階下揖。升堂揖。主人爲下射。皆當其物北面揖。及物揖。乃射。卒南面揖。皆由其階。階上拜。降階揖。賓序西。主人序東。皆釋弓。說決拾。襲反位。升及階。揖升堂。揖皆就席。大夫袒決。遂執弓。搯三挾一个。由堂西出于司射之西。就其耦。大夫爲下射。揖進。耦少退。揖如三耦。及階。耦先升。卒射。揖如升射。耦先降。降階。耦少退。皆釋弓于堂西。襲耦。遂止于堂西。大夫升就席。衆賓繼射。釋獲皆如初。司射所作唯上耦。卒射。釋獲者遂以所執餘獲。升自西階。盡階不升堂。告于賓曰。左右卒射。降反位。坐委餘獲于中西。興共而俟。〔記〕鹿中、擊背容八算。釋獲者奉之。先首。箭籌八十。長尺有握。握素。凡適堂西。皆出入于司馬之南。唯賓與大夫降階。遂西取弓矢。賓主人射。則司射擯升降。卒射。即席而反位。卒事。大夫降立于西堂。以俟射。大夫與士射。袒繻襦。耦少退于物。〔右再射釋獲〕司馬袒決。執弓。升命取矢。如初。獲者許諾。以旌負侯。如初。司馬降。釋弓。反位。弟子委矢。如初。大夫之矢。則兼束之以茅。上握焉。司馬乘矢如初。司射遂適西階。西釋弓。去扑。襲進。由中東。立于中南。北面視算。釋獲者東面于中西坐。先數右獲。二算爲純。一純以取。實于左手。十純。則縮而委之。每委異之。有餘純。則橫于下。一算爲奇。奇則又縮諸純下。興自前適左。東面坐。兼斂算。實于左手。一純以委。十則異之。其餘如右獲。司射復位。釋獲者遂進取賢獲。執以升。自西階。盡階不升堂。告于賓。若右勝。則曰右賢于左。若左勝。則曰左賢于右。以純數告。若有奇者。亦曰奇。若左右鈞。則左右皆執一算以告。曰左右鈞。降復位。坐兼斂算。實八算于中。委其餘于中西。興共而俟。〔右取矢視算〕司射適堂西。命弟子設豐。弟子奉豐升。設于西楹之西。乃降。勝者之弟子洗觶。升酌。南面坐。奠于豐上。降。袒執弓。反位。司射遂袒執弓。挾一个。搯扑。北面于



三耦之南命三耦及衆賓勝者皆袒決遂執張弓不勝者皆襲說決拾卻左手右加弛弓于其上遂以執  
弣司射先反位三耦及衆射者皆與其耦進立于射位北上司射作升飲者如作射一耦進揖如升射及  
階勝者先升堂少右不勝者進北面坐取豐上之觶興少退立卒觶進坐奠于豐下興揖不勝者先降與  
升飲者相左交于階前相揖出于司馬之南遂適堂西釋弓襲而俟有執爵者執爵者坐取觶實之反奠  
于豐上升食者如初三耦卒飲賓主人大夫不勝則不執弓執爵者取觶降洗升實之以授于席前受觶  
以適西階上北面立飲卒觶授執爵者反就席大夫飲則耦不升若大夫之耦不勝則亦執弛弓特升飲  
衆賓繼飲射爵者辯乃徹豐與觶〔記〕禮射不主皮主皮之射者勝者又射不勝者降階人亦飲于西階上〔右飲不勝者〕司馬洗爵升實之以降獻獲  
者于侯薦脯醢設折俎俎與薦皆三祭獲者負侯北面拜受爵司馬西面拜送爵獲者執爵使人執其薦  
與俎從之適右个設薦俎獲者南面坐左執爵祭脯醢執爵興取肺坐祭遂祭酒興適左个中亦如之左  
个之西北三步東面設薦俎獲者薦右東面立飲不拜既爵司馬受爵奠于筐復位獲者執其薦使人執  
俎從之辟設于乏南獲者負侯而俟〔記〕獲者之俎拆脊脅肺臠東方謂之右个〔右司馬獻獲者〕司射適階西釋弓矢去扑說決拾  
襲適洗洗爵升實之以降獻釋獲者于其位少南薦脯醢折俎有祭釋獲者薦右東而拜受爵司射北面  
拜送爵釋獲者就其薦坐左執爵祭脯醢興取肺坐祭遂祭酒興司射之西北面立飲不拜既爵司射受  
爵奠于筐釋獲者少西辟薦反位〔記〕司射釋弓矢視算與獻釋獲者釋弓矢釋獲者之俎折脊脅肺皆有祭〔右司射獻釋獲〕司射適堂西袒決遂取

弓于階西挾一个。搯扑以反位。司射去扑倚于階西。升請射于賓。如初。賓許。司射降搯扑。由司馬之南適堂西。命三耦及衆賓皆袒決遂。執弓就位。司射先反位。三耦及衆賓皆袒決遂。執弓各以其耦進。反于射位。司射作拾取矢。三耦拾取矢如初。反位。賓主人大夫降揖如初。主人堂東。賓堂西。皆袒決遂。執弓皆進階。前揖及楅。揖拾取矢如三耦。卒北面搯三挾一个。揖退。賓堂西。主人堂東。皆釋弓矢。襲及階。揖升堂。揖就席。大夫袒決遂。執弓就其耦。揖皆進如三耦。耦東面。大夫西面。大夫進坐說矢束。興反位。而後耦揖進坐。兼取乘矢。順羽而興。反位。揖大夫進坐。亦兼取乘矢。如其耦。北面搯三挾一个。揖退。耦反位。大夫遂適序。西釋弓矢。襲升卽席。衆賓繼拾取矢。皆如三耦。以反位。(記)大夫說矢束。坐說之。【右拾取矢】司射猶挾一个以進。作上射如初。一耦揖升如初。司馬升命去侯。獲者許諾。司馬降釋弓。反位。司射與司馬交于階前。去扑襲升。請以樂樂于賓。賓許諾。司射降搯扑。東面命樂正曰。請以樂樂于賓。賓許。司射遂適階閒。堂下北面命曰。不鼓不釋。上射揖。司射退反位。樂正東面命大師曰。奏騶虞。閒若一。大師不興許諾。樂正退反位。乃奏騶虞。以射。三耦卒射。賓主人大夫衆賓繼射。釋獲如初。卒射降釋獲者執餘獲。升告左右。卒射如初。司馬升命取矢。獲者許諾。司馬降釋弓。反位。弟子委矢。司馬乘之。皆如初。司射釋弓視算。如初。釋獲者以賢獲與鈞告。如初。降復位。司射命設豐。設豐實觶。如初。遂命勝者執張弓。不勝者執弛弓。升飲如初。司射猶袒決遂。左執弓。右執一个。兼諸弦。面鏃。適堂西以命拾取矢。如初。司射反位。三耦及賓主人大夫衆賓皆袒決遂。拾

取矢如初。矢不挾，兼諸弦附以退，不反位。遂授有司于堂西，辯拾取矢，揖，皆升就席。司射乃適堂西，釋弓去扑，說決拾，襲反位。司馬命弟子說侯之左下綱而釋之，命獲者以旌退，命弟子退楅。司射命釋獲者退中與算而俟。〔記〕歌騶虞若采蘋，皆五終。射無算。〔右三射以樂爲節〕司馬反爲司正，退復觶南而立，樂正命弟子贊工卽位，弟子相工。如其降也，升自西階，反坐。賓北面坐，取俎西之觶，興，阼階上北面酬主人。主人降席，立于賓東。賓坐奠觶，拜。執觶興，主人答拜。賓不祭，卒觶，不拜，不洗。實之，進東南面。主人阼階上北面拜。賓少退，主人進受觶。賓主人之西北面拜送。賓揖就席，主人以觶適西階上酬大夫。大夫降席，立于主人之西。如賓酬主人之禮。主人揖就席。若無大夫，則長受酬，亦如之。司正升自西階相旅，作受酬者曰：「某酬某子受酬者降席。」司正退立于西席端，東面。衆受酬者拜，興，飲，皆如賓酬主人之禮。辯，遂酬在下者，皆升受酬于西階上。卒受者以觶降，奠于篚。司正降復位。〔記〕古者於旅也，語凡旅，不洗，不以洗。不祭，既旅，士不入。〔右旅酬〕使二人舉觶于賓與大夫，舉觶者皆洗。觶升實之，西階上北面，皆坐奠。觶拜，執觶興，賓與大夫皆席末答拜。舉觶者皆坐祭，遂飲。卒觶，興，坐奠。觶拜，執觶興，賓與大夫皆答拜。舉觶者逆降，洗，升實觶，皆立于西階上北面東上。賓與大夫拜，舉觶者皆進，坐奠于薦右。賓與大夫辭，坐受觶，以興，舉觶者退反位，皆拜送。乃降。賓與大夫反奠于其所，興。若無大夫，則唯賓。〔右舉觶爲無算爵始〕司正升自西階，阼階上受命于主人，適西階上北面，請坐于賓。賓辭以俎，反命于主人。主人曰：「請徹俎。」賓許。司正降自西階，階前命弟子俟徹俎。司正升，立于序端。賓降席，北面。主人降席自南方。

阼階上北面。大夫降席。席東南面。賓取俎。還授司正。司正以降自西階。賓從之降。遂立于階西。東面。司正以俎出。授從者。主人取俎。還授弟子。弟子受俎。降自西階。以東。主人降自阼階。西面立。大夫取俎。還授弟子。弟子以降自西階。遂出。授從者。大夫從之降。立于賓南。衆賓皆降。立于大夫之南。少退。北上。【右徹】主人以賓揖讓。說屨。乃升。大夫及衆賓皆說屨。升坐。乃羞。無算爵。使二人舉觶。賓與大夫不興。取奠。觶飲。卒。觶不拜。執觶者受。觶遂實之。賓觶以之。主人大夫之觶。長受而錯。皆不拜。辯。卒受者興。以旅在下者于西階上。長受。酬。酬者不拜。乃飲。卒。觶以實之。受酬者不拜。受。辯。旅皆不拜。執觶者皆與旅。卒受者以虛。觶降。奠于篚。執觶者洗。升實。觶反奠于賓與大夫。無算樂。賓興。樂正命奏。陔。賓降。及階。陔作。賓出。衆賓皆出。主人送于門外。再拜。【記】大夫後出。主人送于門外。再拜。【右無算爵。賓出】明日。賓朝服。以拜。賜于門外。主人不見。如賓服。遂從之。拜。辱于門外。乃退。主人釋服。乃息。司正無介。不殺。使人速迎于門外。不拜。入。升。不拜。至。不拜。洗。薦脯醢。無俎。賓酢主人。主人不崇酒。不拜。衆賓既獻。衆賓一人舉觶。遂無算爵。無司正。賓不與。徵唯所欲。以告于卿。先生君子可也。羞唯所有。鄉樂唯欲。【右息司正】

### 大射儀

【儀禮】大射之儀。君有命戒射。宰戒百官有事於射者。射人戒諸公卿大夫射。司士戒士射。與贊者前射。三日。宰夫戒宰及司馬。射人宿視滌。【右戒百官】司馬量人量侯道。與所設。乏以狸步。大侯九十。參七十。干五

十。設乏。各去其侯。西十北十。遂命量人巾車張三侯。大侯之崇。見鵠於參。參見鵠於干。干不及地。武不繫左下綱。設乏。西十北十。凡乏。用革。【右張侯】樂人宿縣于阼階東。笙磬西面。其南笙鐘。其南鑄。皆南陳。建鼓在阼階西南。鼓應鼗在其東南。南鼓西階之西。頌磬東面。其南鐘。其南鑄。皆南陳。一建鼓在其南。東鼓。朔鼗在其北。一建鼓在西階之東南。南面。蕩在建鼓之間。鼗倚於頌磬西紘。【右設樂】厥明。司宮尊于東楹之西。兩方壺。膳尊兩甌在南。有豐。冪用錫。若絺。綴諸箭。蓋冪加勺。又反之。皆玄尊。酒在北。尊士旅食于西鑄之南。北面。兩園壺。又尊于大侯之乏。東北。兩壺獻酒。設洗于阼階東南。壘水在東。篚在洗西南。陳設膳篚在其北。西面。又設洗于獲者之尊西北。水在洗北。篚在南。東陳。小臣設公席于阼階上。西鄉。司宮設賓席于戶西南面。有加席。卿席賓東。東上。小卿賓西。東上。大夫繼而東上。若有東面者。則北上。席工于西階之東。東上。諸公阼階西。北面。東上。官饌。【右陳器饌】羹定。射人告具于公。公升。卽位于席。西鄉。小臣師納諸公。卿大夫。諸公。卿大夫。皆入門右。北面。東上。士。西方。東面。北上。大夫在干侯之東北。北面。東上。士。旅食者在士南。北面。東上。小臣師從者在東堂下。南面。西上。公降立于阼階之東南。南鄉。小臣師詔揖諸公。卿大夫。諸公。卿大夫。西面。北上。揖大夫。大夫皆少進。【右卽位】大射正擯。擯者請賓。公曰。命某爲賓。擯者命賓。賓少進。禮辭。反命。又命之。賓再拜稽首受命。擯者反命。賓出。立于門外。北面。公揖卿大夫。升就席。小臣自阼階下。北面。請執冪者。與羞膳者。乃命執冪者。執冪者升自西階。立于尊南。北面。東上。膳宰請羞于諸公。卿者。【右命賓命有司】擯者納賓。

賓及庭。公降一等揖賓。賓辟。公升。卽席。奏肆夏。賓升自西階。主人從之。賓右北面至再拜。賓答再拜。主人降洗。洗南西北面。賓降階西。東面。主人辭降。賓對。主人北面盥。坐取觚洗。賓少進辭洗。主人坐奠觚于篚。興對。賓反位。主人卒洗。賓揖。乃升。主人升。賓拜洗。主人賓右奠觚。答拜。降盥。賓降。主人辭降。賓對。卒盥。賓揖升。主人升。坐取觚。執幕者舉幕。主人酌膳。執幕者蓋幕。酌者加勺。又反之。筵前獻賓。賓西階上拜。受爵于筵前。反位。主人賓右拜送爵。宰胥薦脯醢。賓升筵。庶子設折俎。賓坐。左執觚。右祭脯醢。奠爵于薦右。興取肺。坐絕祭。嚙之。興加于俎。坐挽手。執爵。遂祭酒。興席末坐。啐酒。降席坐奠爵。拜告旨。執爵興。主人答拜。賓西階上北面坐。卒爵。興坐奠爵。拜。執爵興。主人答拜。【右主人獻賓】賓以虛爵降。主人降。賓洗南西北面坐。奠觚。少進辭降。主人西階西。東面少進對。賓坐取觚。奠于篚下。盥洗。主人辭洗。賓坐奠觚于篚。興對。卒洗。及階。揖升。主人升。拜洗如賓禮。賓降盥。主人降。賓辭降。卒盥。揖升。酌膳。執幕如初。以酢主人于西階上。主人北面拜受爵。賓主人之左拜送爵。主人坐祭。不啐酒。不拜酒。遂卒爵。興坐奠爵。拜。執爵興。賓答拜。主人不崇酒。以虛爵降。奠于篚。賓降。立于西階西。東面。擯者以命升賓。賓升。立于西序。東面。【右賓酢主人】主人盥洗。象觚。升酌膳。東北面獻于公。公拜受爵。乃奏肆夏。主人降自西階。阼階下北面拜送爵。宰胥薦脯醢。由左房。庶子設折俎。升自西階。公祭如賓禮。庶子贊授肺。不拜酒。立卒爵。坐奠爵。拜。執爵興。主人答拜。樂闋。升受爵。降奠于篚。【右主人獻公】更爵洗。升酌散以降。酢于阼階下。北面坐奠爵。再拜稽首。公答拜。主人坐祭。遂卒爵。

興坐奠爵。再拜稽首。公答拜。主人奠爵于篚。

【右主人受公酢】

主人盥洗。升媵觚于賓。酌散。西階上坐奠爵。拜。賓西

階上北面答拜。主人坐祭。遂飲。賓辭。卒爵。興坐奠爵。拜。執爵興。賓答拜。主人降洗。賓降。主人辭降。賓辭洗。

卒洗。賓揖升。不拜洗。主人酌膳。賓西階上拜。受爵于筵前。反位。主人拜送爵。賓升席。坐祭酒。遂奠于薦東。

主人降復位。賓降筵西。東南而立。

【右主人酬賓】

小臣自阼階下請媵爵者。公命長。小臣作下。大夫二人媵爵。媵

爵者阼階下皆北面。再拜稽首。公答拜。媵爵者立于洗南。西面北上。序進盥洗。角觶。升自西階。序進酌散。

交于楹北。降適阼階下。皆奠觶。再拜稽首。執觶興。公答拜。媵爵者皆坐祭。遂卒觶。興坐奠觶。再拜稽首。執

觶興。公答再拜。媵爵者執觶待於洗南。小臣請致者。若命皆致。則序進奠觶于篚。阼階下皆北面。再拜稽

首。公答拜。媵爵者洗象觶。升實之。序進坐奠于薦南。北上。降適阼階下。皆再拜稽首。送觶。公答拜。媵爵者

皆退反位。公坐取大夫所媵觶。興以酬賓。賓降。西階下再拜稽首。小臣正辭。賓升成拜。公坐奠觶。答拜。執

觶興。公卒觶。賓下拜。小臣正辭。賓升再拜稽首。公坐奠觶。答拜。執觶興。賓進受虛觶。降奠于篚。易觶與洗

公有命。則不易不洗。反升酌膳。下拜。小臣正辭。賓升再拜稽首。公答拜。賓告于擯者。請旅諸臣。擯者告于

公公許。賓以旅大夫于西階上。擯者作大夫長升受旅。賓大夫之右坐奠觶。拜。執觶興。大夫答拜。賓坐祭

立卒觶。不拜。若膳觶也。則降更觶洗。升實散。大夫拜受。賓拜送。遂就席。大夫辯受酬。如受賓酬之禮。不祭

酒。卒受者以虛觶降。奠于篚。復位。

【右公爲賓舉旅】

主人洗觚。升實散。獻卿于西階上。司官兼卷重席。設于賓左。東

上卿升拜受觚。主人拜送觚。卿辭重席。司宮徹之。乃薦脯醢。卿升席。庶子設折俎。卿坐。左執爵。右祭脯醢。奠爵于薦右。興取肺。坐絕祭。不嚼肺。興加于俎。坐掬手。取爵。遂祭酒。執爵興。降席。西階上北面坐。卒爵。興坐奠爵。拜執爵興。主人答拜。受爵。卿降復位。辯獻卿。主人以虛爵降。奠于篚。擯者升卿。卿皆升就席。若有諸公。則先卿獻之。如獻卿之禮。席于阼階西北面東上。無加席。【右主人獻卿】小臣又請媵爵者。二大夫媵爵如

初。請致者。若命長致。則媵爵者奠觶于篚。一人待于洗南。長致者阼階下再拜稽首。公答拜。洗象觶。升實

之。坐奠于薦南。降。興立于洗南者二人。皆再拜稽首送觶。公答拜。公又行一爵。若賓若長。唯公所賜。以旅

于西階。如初。大夫卒受者以虛觶降。奠于篚。【右公爲卿舉旅】主人洗觚。升獻大夫于西階上。大夫升拜受觚。主人

拜送觚。大夫坐祭。立卒爵。不拜既爵。主人受爵。大夫降復位。胥薦主人于洗北。西面脯醢。無饗。辯獻大夫。

遂薦之。繼賓以西。東上。若有東面者。則北上。卒擯者升大夫。大夫皆升就席。【右主人獻大夫】乃席工于西階上。少

東。小臣納工。工六人。四瑟。僕人正徒相。大師。僕人師。相少師。僕人。士相。上工。相者皆左何瑟。後首。內弦。擗

越右手相。後者徒相入。小樂正從之。升自西階北面東上。坐授瑟。乃降。小樂正立于西階東。乃歌鹿鳴。三

終。主人洗。升實爵。獻工。工不興。左瑟一人拜受爵。主人西階上拜送爵。薦脯醢。使人相祭。卒爵。不拜。主人

受虛爵。衆工不拜受爵。坐祭。遂卒爵。辯有脯醢。不祭。主人受爵。降奠于篚。復位。大師及少師。上工皆降。立

于鼓北。羣工陪于後。乃管新宮三終。卒管。大師及少師。上工皆東。拈之。東南。西面北上坐。【右作樂獻工】擯者

【右作樂獻工】

擯者



自阼階下請立司正。公許。擯者遂爲司正。司正適洗洗角觶。南面坐奠于中庭。升東楹之東。受命于公。西階上北面命賓諸公卿大夫。公曰：「以我安賓。」諸公卿大夫皆對曰：「諾。」敢不安。司正降自西階。南面坐取觶。升酌散降。南面坐奠觶。興右還。北面少立。坐取觶。興坐。不祭。卒觶。奠之。興再拜稽首。左還。南面坐取觶。洗南面。反奠于其所。北面立。【右立】司射適次。袒決。遂執弓挾乘矢于弓外。見鏃于弣。右巨指鉤弦。自阼階前曰：「爲政請射。」遂告曰：「大夫與大夫。士御于大夫。遂適西階前。東面右顧。命有司納射器。射器皆入。君之弓矢。適東堂。賓之弓矢。與中。籌。豐。皆止于西堂下。衆弓矢不挾。總衆弓矢。楅皆適次而俟。工人士與梓人。升自北階。兩楹之間。疏數容弓。若丹若墨。度尺而午。射正莅之。卒畫。自北階下。司宮埽所畫物。自北階下。太史俟于所設中之西。東面以聽政。司射西面誓之曰：「公射大侯。大夫射參。士射干。射者非其侯。中之不獲。卑者與尊者爲耦。不異侯。太史許諾。遂比三耦。三耦俟于次北。西面北上。司射命上射曰：「某御于子。命下射曰：「子與某子射。卒。遂命三耦取弓矢于次。」【右請射比耦】司射入于次。搢三挾一个。出于次。西面揖。當階北面揖。及階揖。升堂揖。當物北面揖。及物揖。由下物少退。誘射。射三侯。將乘矢。始射干。又射參。大侯再發。卒射北面揖。及階揖。降。如升射之儀。遂適堂西。改取一个。挾之。遂取扑。搢之。以立于所設中之西南。東面。【右司射誘射】司馬師命負侯者執旌以負侯。負侯者皆適侯。執旌負侯而俟。司射適次。作上耦射。司射反位。上耦出次。西面揖。進。上射在左。竝行。當階北面揖。及階揖。上射先升三等。下射從之。中等上射升堂。少左。下

射升。上射揖。竝行。皆當其物北面揖。及物揖。皆左足履物。還視侯中。合足而俟。司馬正適次。袒決遂。執弓。右挾之。出。升自西階。適下物。立于物閒。左執弣。右執簫。南揚弓。命去侯。負侯皆許諾。以宮趨。直西。及乏南。又諾以商。至乏。聲止。授獲者。退立于西方。獲者興。共而俟。司馬正出于下射之南。還其後。降自西階。遂適次。釋弓。說決拾。襲反位。司射進。與司馬正交于階前。相左。由堂下西階之東北面視上射。命曰。毋射獲。毋獵獲。上射揖。司射退。反位。乃射。上射既發。挾矢。而后下射射。拾發以將乘矢。獲者坐而獲。舉旌以宮。偃旌以商。獲而未釋獲。卒射。右挾之。北面揖。揖如升射。上射降二等。下射少右從之。中等竝行。上射于左。與升射者相左。交于階前。相揖。適次。釋弓。說決拾。襲反位。三耦卒射。亦如之。司射去扑。倚于階西。適阼階下。北面告于公曰。三耦卒射。反。搯扑。反位。【右三耦初射】司馬正袒決遂。執弓。右挾之。出。與司射交于階前。相左。升自西階。自右物之後。立于物閒。西南面揖弓。命取矢。負侯許諾。如初。去侯。皆執旌以負其侯。而俟。司馬正降自西階。北面命設楅。小臣師設楅。司馬正東面。以弓爲畢。既設楅。司馬正適次。釋弓。說決拾。襲反位。小臣坐。委矢于楅。北括。司馬師坐乘之。若矢不備。則司馬正又袒執弓。升。命取矢如初。曰。取矢不索。乃復求矢。加于楅。卒。司馬正進坐。左右撫之。興。反位。【右取天】司射適西階西。倚扑。升自西階。東面請射于公。公許。遂適西階上。命賓御于公。諸公卿。則以耦告于上。大夫。則降卽位而后告。司射自西階上北面告于大夫。曰。請降。司射先降。搯扑。反位。大夫從之降。適次。立于三耦之南。西面北上。司射東面于大夫之西。比耦。大夫

與大夫命上射曰。某御于子。命下射曰。子與某子射。卒。遂比衆耦。衆耦立于大夫之南。西面北上。若有士與大夫爲耦。則以大夫之耦爲上。命大夫之耦曰。子與某子射。告于大夫曰。某御于子。命衆耦。如命三耦之辭。諸公卿皆未降。【右次射比耦】遂命三耦。各與其耦拾取矢。皆袒決。遂執弓。右挾之一耦。出西面揖。當楅北面揖。及楅揖。上射東面。下射西面。上射揖進。坐。橫弓。卻手。自弓下取一。兼諸附。與。順羽。且左還。毋周。反面揖。既拾取矢。楅之。兼挾乘矢。面揖。下射進。坐。橫弓。覆手。自弓上取一。兼諸附。與。順羽。且左還。毋周。反面揖。既拾取矢。楅之。兼挾乘矢。皆內還。南面揖。適楅南。皆左還。北面揖。搯三挾一。揖。以耦左還。上射于左。退者與進者相左。相揖。還。退。釋弓。矢于次。說決拾。襲。反位。二耦拾取矢。亦如之。後者遂取誘射之矢。兼乘矢而取之。以授有司于次中。皆襲。反位。【右拾取矢】司射作射如初。一耦揖升如初。司馬命去侯。負侯許諾如初。司馬降。釋弓。反位。司射猶挾一。去。扑。與司馬交于階前。適阼階下。北面請釋獲于公。公許。反。搯扑。遂命釋獲者設中。以弓爲畢。北面。太史釋獲。小臣師執中。先首。坐設之。東面退。大史實八算于中。橫委其餘于中西。與共而俟。司射西面。命曰。中離維綱。揚觸柶復。公則釋獲。衆則不與。唯公所中。中三侯皆獲。釋獲者命小史。小史命獲者。司射遂進由堂下。北面視上射。命曰。不貫不釋。上射揖。司射退。反位。釋獲者坐取中之八算。改實八算。與。執而俟。乃射。若中。則釋獲者每一。個。釋一算。上射於右。下射於左。若有餘算。則反委之。又取中之八算。改實八算于中。與。執而俟。三耦卒射。【右再射釋獲】賓降。取弓。矢于堂西。諸公卿則適次。繼三耦以南。公將射。則司馬師

命負侯。皆執其旌以負其侯而俟。司馬師反位。隸僕人墀侯道。司射去扑。適阼階下。告射于公。公許。適西階東。告于賓。遂搢扑。反位。小射正一人。取公之決。拾于東。坫上一小射正。授弓拂弓。皆以俟于東堂。公將射。則賓降。適堂西。袒決。遂執弓。搢三挾一个。升自西階。先待于物北。北一箭。東面立。司馬升。命去侯如初。還右。乃降。釋弓。反位。公就物。小射正奉決。拾以筈。大射正執弓。皆以從于物。小射正坐奠筈于物南。遂拂以巾。取決。興贊。設決。朱極三。小射正贊袒。公袒朱襦。卒袒。小射正退。俟于東堂。小射正又坐取拾。興贊。設拾。以筈退。奠于坫上。復位。大射正執弓。以袂順左右。隈上。再壹下。左執弣。右執簫。以授公。公親揉之。小臣師以巾拂矢。而授矢于公。稍屬。大射正立于公後。以矢行。告于公。下曰。畱。上曰。揚。左右曰。方。公既發。大射正受弓而俟。拾發。以將乘矢。公卒射。小臣師以巾退。反位。大射正受弓。小射正以筈受決。拾退。奠於坫上。復位。大射正退。反。司正之位。小射正贊襲。公還。而后賓降。釋弓于堂西。反位于階西。東面。公卽席。司正以命。升賓。賓升。復筵。而后卿大夫繼射。諸公卿取弓。矢于次中。袒決。遂執弓。搢三挾一个。出西面。揖。揖如三耦。升射。卒射。降如三耦。適次。釋弓。說決。拾襲。反位。衆皆繼射。釋獲皆如初。卒射。釋獲者。遂以所執餘獲。適阼階下。北面。告于公。曰。左右卒射。反位。坐委餘獲于中西。興共而俟。

〔記〕君射。則爲下射。上射退于物一箭。既發。則答君而俟。君袒朱襦以

射。小臣以巾執矢以授君。國中射。則皮樹中。以翻旌獲。白羽與朱羽糝。于郊。則閭中。以旌獲。于竟。則虎中。龍旌。大夫。兕中。各以其物獲。土。鹿中。翻旌以獲。唯國有射于國中。其餘否。君在。大夫射。則肉袒。記文原在鄉射篇。〔右君射〕

司馬袒執弓。升。命取矢如初。負侯許諾。以旌負侯如初。司馬降。釋弓如初。小臣委矢于楅如

初賓諸公卿大夫之矢。皆異束之以茅。卒正坐。左右撫之。進東。反位。賓之矢。則以授矢人于西堂下。司馬釋弓。反位。而后卿大夫升就席。司射適階西。釋弓。去扑。襲進。由中東。立于中。南北面視算。釋獲者。東面于中西坐。先數右獲。二算爲純。一純以取。實于左手。十純。則縮而委之。每委。異之。有餘純。則橫諸下。一算爲奇。奇。則又縮諸純下。與自前適左。東面坐。坐兼斂算。實于左手。一純以委。十則異之。其餘如右獲。司射復位。釋獲者。遂進。取賢獲。執之。由阼階下。北面告于公。若右勝。則曰右賢於左。左勝。則曰左賢於右。以純數告。若有奇者。亦曰奇。若左右鈞。則左右各執一算以告。曰左右鈞。還復位。坐兼斂算。實八算于中。委其餘于中西。與共而俟。右取矢視算司射命設豐。司宮士奉豐。由西階升。北面坐。設于西楹西。降復位。勝者之弟子洗觶。升酌散。南面坐。奠于豐上。降反位。司射袒執弓。挾一个。搯扑。東面于三耦之西。命三耦及衆射者。勝者皆袒決。遂執張弓。不勝者皆襲。說決拾。卻左手。右加弛弓于其上。遂以執弣。司射先反位。三耦及衆射者。皆升飲射爵于西階上。小射正作升飲射爵者。如作射。一耦出揖。如升射。及階。勝者先升。升堂。少右。不勝者進。北面坐。取豐上之觶。興少退。立卒。觶進。坐奠于豐下。興揖。不勝者先降。與升飲者相左。交于階前。相揖。適次。釋弓。襲反位。僕人師繼酌射爵。取觶實之。反奠于豐上。退俟于序端。升飲者如初。三耦卒飲。若賓諸公卿大夫不勝。則不降。不執弓。耦不升。僕人師洗。升實觶以授賓。諸公卿大夫受觶于席。以降。適西階上。北面立飲。卒。觶授執爵者。反就席。若飲公。則侍射者降。洗角觶。升酌散。降拜。公降一等。小臣正辭。賓

升再拜稽首。公答再拜。賓坐祭。卒爵。再拜稽首。公答再拜。賓降洗象。觶升酌膳以致下拜。小臣正辭。升再拜稽首。公答再拜。公卒觶。賓進受觶。降洗散觶。升實散。下拜。小臣正辭。升再拜稽首。公答再拜。賓坐。不祭。卒觶。降奠于篚。階西東面立。擯者以命升賓。賓升就席。若諸公卿大夫之耦不勝。則亦執弛弓。特升飲。衆皆繼飲射爵。如三耦射爵辯。乃徹豐與觶。〔記〕若飲君如燕則夾爵。○鄉射記文〔右飲不勝者〕。司宮尊侯于服不之東北。兩獻酒。東

面南上。皆加勺。設洗于尊西北。篚在南。東肆。實一散于篚。司馬正洗散。遂實爵。獻服不。服不侯。西北三步北面拜受爵。司馬正西面拜送爵。反位。宰夫有司薦。庶子設折俎。卒錯。獲者適右个。薦俎從之。獲者左執爵。右祭薦俎。二手祭酒。適左个。祭如右个。中亦如之。卒祭。左个之西北三步。東面設薦俎。立卒爵。司馬師受虛爵。洗獻隸僕人與巾車獲者。皆如大侯之禮。卒。司馬受虛爵。奠于篚。獲者皆執其薦。庶子執俎從之。設于乏。少南。服不復。侯而俟。〔右司馬獻服不〕。司射適階西去。扑適堂西。釋弓。說決拾。襲適洗。洗觚。升實之。降。獻

釋獲者于其位。少南。薦脯醢折俎。皆有祭。釋獲者薦右東面拜受爵。司射北面拜送爵。釋獲者就其薦坐。左執爵。右祭脯醢。興取肺。坐祭。遂祭酒。興。司射之西北面立。卒爵。不拜。既爵。司射受虛爵。奠于篚。釋獲者少西。辟薦。反位。〔右司射獻釋獲〕。司射適堂西。袒決。遂取弓。挾一个。適階西。搯扑。以反位。司射倚扑于階西。適阼階下。北面請射于公。如初。反。搯扑。適次。命三耦皆袒決。遂執弓。序出取矢。司射先反位。三耦拾取矢如初。小射。正作取矢如初。三耦既拾取矢。諸公卿大夫皆降。如初位。與耦入于次。皆袒決。遂執弓。皆進當楅。進坐。

說矢束。上射東面。下射西面。拾取矢。如三耦。若士與大夫爲耦。士東面。大夫西面。大夫進坐。說矢束。退反位。耦揖進。坐兼取乘矢。興順羽。且左還。毋周。反面揖。大夫進坐。亦兼取乘矢。如其耦。北面搢三挾一个。揖進。大夫與其耦皆適次。釋弓。說決拾。襲反位。諸公卿升就席。衆射者繼拾取矢。皆如三耦。遂入于次。釋弓矢。說決拾。襲反位。〔右拾取矢〕司射猶挾一个以作射。如初。一耦揖升。如初。司馬升。命去侯。負侯許諾。司馬降。釋弓。反位。司射與司馬交于階前。倚扑于階西。適阼階下。北面請以樂于公。公許。司射反。搢扑。東面命樂正。曰。命用樂。樂正曰。諾。司射遂適堂下。北面眡上射。命曰。不鼓不釋。上射揖。司射退。反位。樂正命大師曰。奏貍首。閒若一。大師不興。許諾。樂正反位。奏貍首以射。三耦卒射。賓待于物。如初。公樂作而後就物。稍屬。不以樂志。其他如初儀。卒射如初。賓就席。諸公卿大夫衆射者皆繼射。釋獲如初。卒射降。反位。釋獲者執餘獲。進告左右卒射。如初。司馬升。命取矢。負侯許諾。司馬降。釋弓。反位。小臣委矢。司馬師乘之。皆如初。司射釋弓視算。如初。釋獲者以賢獲與鈞告。如初。復位。司射命設豐實。觶如初。遂命勝者執張弓。不勝者執弛弓。升飲。如初。卒退。豐與觶。如初。司射猶袒決遂。左執弓。右執一个。兼諸弦。面鏃。適次。命拾取矢。如初。司射反位。三耦及諸公卿大夫衆射者。皆袒決遂。以拾取矢。如初。矢不挾。兼諸弦。面鏃。退適次。皆授有司弓矢。襲反位。卿大夫升就席。司射適次。釋弓。說決拾。去扑。襲反位。司馬正命退。楅解綱。小臣師退。楅巾車量人解。左下綱。司馬師命獲者以旌與薦俎退。司射命釋獲者。退中與算而俟。〔記〕君樂作而后就物。○卿射記文。〔有三射以樂爲節〕公又舉

奠觶。唯公所賜。若賓若長。以旅于西階上。如初。大夫卒受者。以虛觶降。奠于篚。反位。【右公爲大夫舉旅】司馬正升

自西階東。楹之東北。面告于公。請徹俎。公許。遂適西階上。北面告于賓。賓北面取俎。以出。諸公卿取俎。如

賓禮。遂出。授從者于門外。大夫降復位。庶子正徹公俎。降自阼階。以東。賓諸公卿皆入門。東面北上。司正

升賓。賓諸公卿大夫皆說履。升就席。公以賓及卿大夫皆坐。乃安。羞庶羞。大夫祭薦。司正升受命。皆命。公

曰。衆無不醉。賓及諸公卿大夫皆興。對曰。諾。敢不醉。皆反位坐。【右徹俎安坐】主人洗酌。獻士于西階上。士長升

拜受觶。主人拜送。士坐祭。立飲。不拜。既爵。其他不拜。坐祭。立飲。乃薦。司正與射人于觶南。北面東上。司正

爲上。辯獻士。士既獻者。立于東方。西面北上。乃薦士。祝史小臣師亦就其位而薦之。主人就士旅食之尊

而獻之。旅食不拜受爵。坐祭。立飲。主人執虛爵。奠于篚。復位。【右主人獻士及祝史等】賓降洗。升媵觶于公。酌散。下拜。

公降一等。小臣正辭。賓升再拜稽首。公答再拜。賓坐祭。卒爵。再拜稽首。公答再拜。賓降洗象觶。升酌膳。坐

奠于薦南。降拜。小臣正辭。賓升成拜。公答拜。反位。公坐取賓所媵觶。與唯公所賜受者。如初。受酬之禮。降

更爵洗。升酌膳。下再拜稽首。小臣正辭。升成拜。公答拜。乃就席。坐行之。有執爵者。唯受于公者拜。司正命

執爵者爵辯。卒受者興以酬士。大夫卒受者以爵興。西階上酬士。士升。大夫奠爵拜。士答拜。大夫立。卒爵

不拜。實之。士拜受。大夫拜送。士旅于西階上。辯。士旅酌。【右公爲士舉旅】若命曰。復射。則不獻。庶子司射命射。唯欲

卿大夫皆降。再拜稽首。公答拜。壹發。中三侯。皆獲。【右復射】主人洗。升自西階。獻庶子于阼階上。如獻士之禮。



辯獻降洗。遂獻左右正與內小臣。皆于阼階上。如獻庶子之禮。

【右獻庶子及辯獻終】

無算爵。士也有執膳爵者。有執

散爵者。執膳爵者酌以進公。公不拜受。執散爵者酌以之。公命所賜。所賜者與受爵降席下。奠爵。再拜稽首。公答再拜。受賜爵者以爵就席坐。公卒爵。然後飲。執膳爵者受公爵酌。反奠之。受賜者與授執散爵者。執散爵者乃酌行之。唯受于公者拜。卒爵者與以酬士于西階上。士升。大夫不拜。乃飲。實爵。士不拜受爵。大夫就席。士旅酌。亦如之。公有命徹幕。則賓及諸公卿大夫皆降。西階下北面東上。再拜稽首。公命小臣正辭。公答拜。大夫皆辟。升反位。士終旅於上。如初。無算樂。宵則庶子執燭於阼階上。司宮執燭於西階上。甸人執大燭於庭。閽人爲燭於門外。

【右無算爵】

賓醉

北面坐。取其薦脯以降。奏陔。賓所執脯。以賜鐘人於門內。

霤。遂出。卿大夫皆出。公不送。公入。鷲。

【右禮畢出】

【禮記】古者諸侯之射也。必先行燕禮。卿大夫士之射也。必先行鄉飲酒之禮。故燕禮者。所以明君臣之義也。鄉飲酒之禮者。所以明長幼之序也。故射者進退周還。必中禮。內志正。外體直。然後持弓矢審固。持弓矢審固。然後可以言中。此可以觀德行矣。其節。天子以騶虞爲節。諸侯以貍首爲節。卿大夫以采蘋爲節。士以采蘩爲節。騶虞者。樂官備也。貍首者。樂時會也。采蘋者。樂循法也。采蘩者。樂不失職也。是故天子以備官爲節。諸侯以時會。天子爲節。卿大夫以循法爲節。士以不失職爲節。故明乎其節之志。以不失其事。則功成而德行立。德行立。則無暴亂之禍矣。功成則固安。故曰。射者所以觀德也。是故古者天子以射

選諸侯卿大夫士射者。男子之事也。因而飾之以禮樂也。故事之盡禮樂而可數爲以立德行者。莫若射。故聖王務焉。是故古者天子之制。諸侯歲獻貢士于天子。天子試之于射宮。其容體比於禮。其節比於樂。而中多者。得與於祭。其容體不比於禮。其節不比於樂。而中少者。不得與於祭。數與於祭。而君有慶。數不與於祭。而君有讓。數有慶而益地。數有讓則削地。故曰。射者。射爲諸侯也。是以諸侯君臣盡志于射。以習禮樂。夫君臣習禮樂而以流亡者。未之有也。故詩曰。曾孫侯氏。四正具舉。大夫君子。凡以庶士。小大莫處。御于君所。以燕以射。則燕則譽。言君臣相與盡志于射。以習禮樂。則安則譽也。是以天子制之。而諸侯務焉。此天子之所以養諸侯而兵不用。諸侯自爲正之具也。○射義。〔大戴禮記〕曾孫侯氏。今日泰射于一張侯。參之。大莫處。御于君所。以燕以射。則燕則譽。質參既設。執旌既載。于侯既亢。中獲既置。弓既乎張。四侯且良。決拾有常。既順乃讓。乃揖乃讓。乃墮其堂。乃飾其行。既志乃張。射夫命射。射者之聲。御者之旌。既獲卒莫。凡雅二十六篇。其八篇可歌。歌鹿鳴。貍首。鵲巢。采芣。采蘋。伐檀。白駒。騶虞。八篇廢。不可歌。七篇商齊。可歌也。三篇閒歌。嗟爾不寧侯。爲爾不朝于王所。故亢而射女。強食食爾。曾孫侯氏百福。○此狸首詩及祭侯辭也。錯簡投壺篇之末。殘缺未詳。

射之爲言者。釋也。或曰舍也。釋者。各釋已之志也。故心平體正。持弓矢審固。持弓矢審固。則射中矣。故曰。爲人父者。以爲父鵠。爲人子者。以爲子鵠。爲人君者。以爲君鵠。爲人臣者。以爲臣鵠。故射者各射已之鵠。故天子之大射。謂之射侯。射侯者。射爲諸侯也。射中。則得爲諸侯。射不中。則不得爲諸侯。天子將祭。必先習射於澤。澤者。所以擇士也。已射於澤。而后射於射宮。射中者。得與於祭。不中者。不得與於祭。不得與於祭者。有讓。削以地。得與於祭者。有慶。益以地。進爵緇地是也。故男子生。桑弧蓬矢六。以射天地。

四方天地四方者。男子之所有事也。故必先有志于其所有事。然後敢用穀也。飯食之謂也。射者。仁之道也。求正諸己。已正而后發。發而不中。則不怨勝己者。反求諸己而已矣。○射義。君使士射。不能。則辭以疾。言曰。某有負薪之憂。○曲

### 投壺

【禮記】投壺之禮。主人奉矢。司射奉中。使人執壺。主人請曰。某有枉矢。哨壺。請以樂賓。賓曰。子有旨酒。嘉肴。某既賜矣。又重以樂。敢辭。主人曰。枉矢。哨壺。不足辭也。敢固以請。賓曰。某既賜矣。又重以樂。敢固辭。主人曰。枉矢。哨壺。不足辭也。敢固以請。賓曰。某固辭不得命。敢不敬從。賓再拜受。主人般還曰。辟。主人阼階上拜送。賓般還曰。辟。已拜受。矢進。卽兩楹閒。退反位。揖賓就筵。司射進度壺。閒以二矢半。反位。設中。東面。執八算。興請賓曰。順投爲入。比投不釋。勝飲不勝者。正爵既行。請爲勝者立馬。一馬從二馬。三馬既立。請慶多馬。請主人亦如之。命弦者曰。請奏狸首。閒若一。大師曰。諾。左右告矢具。請拾投。有入者。則司射坐而釋一算焉。賓黨於右。主黨於左。卒投。司射執算曰。左右卒投。請數。二算爲純。一純以取。一算爲奇。遂以奇算告曰。某賢於某若干純。奇則曰奇。鈞則曰左右鈞。命酌曰。請行觴。酌者曰。諾。當飲者皆跪奉觴曰。賜灌。勝者跪曰。敬養。正爵既行。請立馬。馬各直其算。一馬從二馬。以慶。慶禮曰。三馬既備。請慶多馬。賓主皆曰。諾。正爵既行。請徹馬。算多少。視其坐。籌室中五扶。堂上七扶。庭中九扶。算長尺二寸。壺頸修七寸。腹修五

寸口徑二寸半容斗五升壺中實小豆焉爲其矢之躍而出也壺去席二矢半矢以柘若棘毋去其皮

魯令弟子辭曰毋幟毋敖毋僭立毋踰言僭立踰言有常爵辭令弟子辭曰毋幟毋敖毋僭立毋踰言若

是者浮司射庭長及冠士立者皆屬賓黨樂人及使者童子皆屬主黨 鼓○□○○○○○□□○○○

半○□○○○○○□○○○魯鼓○□○○○○○□○○○○○半○□○○○○○

○□○○○辭鼓取半以下爲投壺禮盡用之爲射禮魯鼓○□○○○○○□○○○○○半○□○○○○○

□○○○○○辭鼓○□○○○○○□○○○○○□○○○○○□○○○○○半○□○○○○○

### 聘禮

【儀禮】聘禮君與卿圖事遂命使者使者再拜稽首辭君不許乃退既圖事戒上介亦如之宰命司馬戒

衆介衆介皆逆命不辭宰書幣命宰夫官具〔記〕久無事則聘焉既受行出遂見宰問幾月之資〔右命使具幣〕及期夕幣使者朝服帥衆

介夕管人布幕于寢門外官陳幣皮北首西上加其奉于左皮上馬則北面奠幣于其前使者北面衆介

立于其左東上卿大夫在幕東西面北上宰入告具于君君朝服出門左南鄉使讀書展幣宰執書告備

具于君授使者使者受書授上介公揖入官載其幣舍于朝上介視載者所受書以行〔記〕使者既受行日朝同位〔右陳幣授使〕

厥明賓朝服釋幣于禰有司筵几于室中祝先入主人從入主人在右再拜祝告又再拜釋幣制玄纁束

奠于几下出主人立于戶東祝立于牖西又入取幣降卷幣實于筭埋于西階東又釋幣于行遂受命上

介釋幣亦如之。【右將行告廟】

上介及衆介俟于使者之門外。使者載廬。帥以受命于朝。君朝服南鄉。卿大夫西

面北上。君使卿進使者。使者入。及衆介隨入。北面東上。君揖使者進之上。介立于其左。接聞命。賈人西面

坐。啓櫝取圭。垂纁不起而授宰。宰執圭。屈纁。自公左授使者。使者受圭。同面垂纁。以受命。既述命。同面授

上介。上介受圭。屈纁。出授賈人。衆介不從。受享束帛加璧。受夫人之聘璋。享玄纁束帛加琮。皆如初。遂行。

含於郊。斂廬。【記】所以朝天子。圭與纁皆九寸。剡上寸半。厚半寸。博三寸。纁三采六等。朱白蒼。問諸侯。朱緣纁

可也。凡執玉。無藉者襲。出祖釋轡。祭酒脯。乃飲酒于其側。【右受命于朝卽行】若過邦。至于竟。使次介假道。束帛將命于朝。曰。請帥奠幣。下大夫取

以入。告出許。遂受幣。餼之以其禮。上賓大牢。積唯芻禾。介皆有餼。士師沒其竟。誓于其竟。賓南面上。介西

面。衆介北面東上。史讀書。司馬執筴。立于其後。【右過他邦假道】未入竟。壹肆爲壇。壇畫階。帷其北。無宮。朝服。無主

無執也。介皆與北面西上。習亭。士執庭實。習夫人之聘享。亦如之。習公事。不習私事。及竟。張廬。誓。乃謁關

人。關人問從者。幾人。以介對。君使士請事。遂以入竟。入竟。斂廬。乃展布幕。賓朝服。立于幕東。西面。介皆北

面東上。賈人北面。坐。扶圭。遂執展之上。介北面視之。退。復位。退圭。陳皮。北首西上。又扶璧。展之。會諸其幣。

加于左皮上。上介視之。退馬。則幕南北面。奠幣于其前。展夫人之聘享。亦如之。賈人告于上介。上介告于

賓。有司展羣幣。以告。及郊。又展如初。及館。展幣于賈人之館。如初。【右習禮展幣】賓至于近郊。張廬。君使下大夫

請行。反。君使卿朝服。用束帛勞。上介出請。入告。賓禮辭。迎于舍門之外。再拜。勞者不答拜。賓揖。先入。受於

舍門內勞者奉幣入東面致命賓北面聽命還少退再拜稽首受幣勞者出授老幣出迎勞者勞者禮辭賓揖先入勞者從之乘皮設賓用束錦僨勞者勞者再拜稽首受賓再拜稽首送幣勞者揖皮出乃退賓送再拜夫人使下大夫勞以二竹篋方玄被纁裏有蓋其實棗栗蒸栗擇兼執之以進賓受棗大夫二手授栗賓之受如初禮僨之如初下大夫勞者遂以賓入〔記〕辭無常孫而說辭多則史少則不達辭苟足以達義之至也辭曰非禮也敢對曰非禮也敢〔右郊勞〕

至于朝主人曰不腆先君之祧既拚以俟矣賓曰俟閒大夫帥至于館卿致館賓迎再拜卿致命賓再拜稽首卿退賓送再拜宰夫朝服設殮飪一牢在西鼎九羞鼎三腥一牢在東鼎七堂上之饌八西夾六門外米禾皆二十車薪芻倍禾上介飪一牢在西鼎七羞鼎三堂上之饌六門外米禾皆十車薪芻倍禾衆介皆少牢〔記〕卿館于大夫大夫館于士士館于工商管人爲客三日具沐五日具浴殮不致賓不拜沐浴而食之〔右致館設殮〕厥明訝賓于館賓皮弁聘至于朝賓入

于次乃陳幣卿爲上擯大夫爲承擯士爲紹擯擯者出請事公皮弁迎賓于大門內大夫納賓賓入門左公再拜賓辟不答拜公揖入每門每曲揖及廟門公揖入立于中庭賓立接西塾〔記〕卿大夫訝大夫士訝士皆有訝宗人授次次以帷少退于君之次〔右迎賓向廟〕几筵既設擯者出請命賈人東面坐啓櫝取圭垂纁不起而授上介上介不襲執圭

屈纁授賓賓襲執圭擯者入告出辭玉納賓賓入門左介皆入門左北面西上三揖至于階三讓公升二等賓升西楹西東面擯者退中庭賓致命公左還北鄉擯者進公當楣再拜賓三退負序公側襲受玉于中堂與東楹之間擯者退負東塾而立賓降介逆出賓出公側受宰玉楊降立擯者出請賓楊奉束帛加

璧享。擯者入告。出許庭實皮。則攝之。毛在內。內攝之。入設也。賓入門左。揖讓如初。升致命。張皮。公再拜受幣。士受皮者。自後右客。賓出。常之坐攝之。公側受宰幣。皮如入右首而東。聘于夫人。用璋。享用琮。如初禮。

〔記〕禮。不拜至。唯大聘有几筵。上介執圭如重。授賓。賓入門。皇。升堂。讓。將授。志趨。授如爭承。下如送。君還而后退。下階。發氣。怡焉。再三舉足。又趨。及門。正焉。執圭入門。鞠躬焉。如恐失之。及享。發氣焉。盈容。衆介北面。踰焉。出。如舒鳴。皇且行。入門上敬。升堂主慎。凡庭實隨入。左先。皮馬相開可也。賓之幣。唯馬出。其餘皆東。多貨則傷于德。幣美則沒禮。日。子以君命在寡君。寡若拜君命之辱。君以社稷故。在寡小君。拜。若君不見。使大夫受。自下聽令。自西階升受。負右房。若有言。則以束帛。如享禮。

〔記〕若有故。則卒聘。束帛加書將命。百名而立。賓降亦降。不禮。〔右賓聘及享禮〕

〔記〕若有故。則卒聘。束帛加書將命。百名而立。賓降亦降。不禮。〔右賓聘及享禮〕

〔記〕若有故。則卒聘。束帛加書將命。百名而立。賓降亦降。不禮。〔右賓聘及享禮〕

〔記〕若有故。則卒聘。束帛加書將命。百名而立。賓降亦降。不禮。〔右賓聘及享禮〕

〔記〕若有故。則卒聘。束帛加書將命。百名而立。賓降亦降。不禮。〔右賓聘及享禮〕

〔記〕若有故。則卒聘。束帛加書將命。百名而立。賓降亦降。不禮。〔右賓聘及享禮〕

〔記〕若有故。則卒聘。束帛加書將命。百名而立。賓降亦降。不禮。〔右賓聘及享禮〕

〔記〕若有故。則卒聘。束帛加書將命。百名而立。賓降亦降。不禮。〔右賓聘及享禮〕

〔記〕若有故。則卒聘。束帛加書將命。百名而立。賓降亦降。不禮。〔右賓聘及享禮〕

〔記〕若有故。則卒聘。束帛加書將命。百名而立。賓降亦降。不禮。〔右賓聘及享禮〕

〔記〕若有故。則卒聘。束帛加書將命。百名而立。賓降亦降。不禮。〔右賓聘及享禮〕

〔記〕若有故。則卒聘。束帛加書將命。百名而立。賓降亦降。不禮。〔右賓聘及享禮〕

東塾南。擯者請受。賓禮辭。聽命。牽馬。右之。入。設。賓奉幣。入門左。介皆入門左。西上。公揖讓如初。升。公北面。再拜。賓三退。反還負序。振幣進授。當東楹北面。士受馬者。自前還牽者。後適其右。受牽馬者。自前西。乃出。賓降階。東拜送。君辭拜也。君降一等辭。擯者曰。寡君從子。雖將拜起也。栗階升。公西鄉。賓階上。再拜稽首。公少退。賓降出。公側授宰幣。馬出。公降立。擯者出請。上介奉束錦。士介四人。皆奉玉錦束。請覲。擯者入告。出許。上介奉幣。儷皮。二人贊。皆入門右。東上。奠幣。皆再拜稽首。擯者辭。介逆出。擯者執上幣。士執衆幣。有司二人舉皮。從其幣。出請受。委皮南面。執幣者西面北上。擯者請受。介禮辭。聽命。皆進。訝受其幣。上介奉幣。皮先。入門左。奠皮。公再拜。介振幣。自皮西進。北面授幣。退復位。再拜稽首。送幣。介出。宰自公左受幣。有司二人坐舉皮。以東。擯者又納士介。士介入門右。奠幣。再拜稽首。擯者辭。介逆出。擯者執上幣。以出。禮請受。賓固辭。公答再拜。擯者出。立于門中。以相拜。士介皆辟。士三人坐取幣。立。擯者進。宰夫受幣于中庭。以東。執幣者序從之。擯者出請。賓告事畢。擯者入告。公出送賓。及大門內。公問君。賓對。公再拜。公問大夫。賓對。公勞賓。賓再拜稽首。公答拜。公勞介。介皆再拜稽首。公答拜。賓出。公再拜送。賓不顧。〔記〕私覲。偷愉焉。既覲。賓若私獻。奉

獻將命。擯者入告。出禮辭。賓東面坐奠獻。再拜稽首。擯者東面坐取獻。舉以入告。出。禮請受。賓固辭。賓若私獻。奉。公答再拜。擯者立于闕外以相拜。賓辟。擯者接宰夫于中庭。若兄弟之國。則問夫人。〔右私覲及送賓〕賓請有事

于大夫。公禮辭。許。賓卽館。大夫奠鴈。再拜。上介受勞。上介亦如之。〔記〕賓卽館。訝將公命。又見之以其攀。幣之所及皆勞。不釋服。〔右卽館〕君使

卿章弁歸饗。饗五牢。上介請事。賓朝服禮辭。有司入陳饗。任一牢。鼎九。設于西階前。陪鼎當內廉。東而北。



上。上當碑。南陳牛羊豕魚腊腸胃同鼎。膚鮮魚鮮腊。設局。冪脚。臚。臚。蓋陪牛羊豕。腥二牢。鼎二七。無鮮魚。鮮腊。設于阼階前。西面。南陳如飪鼎。二列。堂上八豆。設于戶西。西陳皆二以竝。東上韭菹。其南醢醢。屈八簋繼之。黍。其南稷。錯六鉶繼之。牛以西羊豕。豕南牛。以東羊豕。兩簠繼之。梁在北。八壺設于西序。北上二以竝。南陳西夾六豆。設于西墉下。北上韭菹。其東醢醢。屈六簋繼之。黍。其東稷。錯四鉶繼之。牛以南羊豕。東豕豕以北牛。兩簠繼之。梁在西。皆二以竝。南陳六壺。西上二以竝。東陳饌于東方。亦如之。西北上壺。東上西陳醢醢百饗。夾碑十以爲列。醢在東。饌二牢。陳于門西北面。東上牛。以西羊豕。豕西牛羊豕。米百筥。筥牛斛。設于中庭。十以爲列。北上黍。梁稻皆二行。稷四行。門外禾三十車。車乘有五。設于門東。爲三列。東陳禾三十車。車三秣。設于門西。西陳薪芻倍禾。賓皮弁迎大夫于外門外。再拜。大夫不答拜。揖入。及廟門。賓揖入。大夫奉束帛入。三揖。皆行。至于階。讓大夫先升一等。賓從升堂。北面聽命。大夫東面致命。賓在階西。再拜稽首。拜饌亦如之。大夫辭。升成拜。受幣。堂中西北面。大夫降出。賓降。授老幣。出迎大夫。大夫禮辭許入。揖讓如初。賓升一等。大夫從升堂。庭實設。馬乘。賓降堂。受老束錦。大夫止。賓奉幣西面。大夫東面。賓致幣。大夫對北面。當楣。再拜稽首。受幣于楹閒。南面退。東面俟。賓再拜稽首。送幣。大夫降。執左馬以出。賓送于外門外。再拜。明日。賓拜于朝。拜饗與饌。皆再拜稽首。上介饗饌三牢。飪一牢。在西。鼎七。羞鼎三。腥一牢。在東。鼎七。堂上之饌六。西夾亦如之。筥及饗。如上。賓饌一牢。門外米禾視死牢。牢十車。薪芻倍禾。凡

其實與陳如上賓。下大夫韋弁用束帛致之。上介韋弁以受。如賓禮。賓之兩馬束錦。士介四人皆餼大牢。

米百筥。設于門外。宰夫朝服牽牛以致之。士介朝服北面再拜稽首受。無僨。〔記〕十斗曰斛。十六斗曰甌。十

十筥曰稷。十稷曰秬。四百秉爲一秬。賜饗唯羹。一筥一戶。若昭若穆。僕爲祝。祝曰。孝孫某。孝子某。薦嘉禮于皇祖某甫。皇考某子。如饋食之禮。假器于大夫。胾肉及庖車。士無饗。無饗者無僨。歸大禮之日。既受饗餼。請觀。訝帥

之。自下門入。賓朝服問卿。卿受于祖廟。下大夫擯。擯者出請事。大夫朝服迎于外門外。再拜。賓不答拜。揖

大夫先入。每門每曲揖。及廟門。大夫揖入。擯者請命。庭實設。四皮。賓奉束帛入。三揖。皆行。至于階。讓賓升

一等。大夫從升堂。北面聽命。賓東面致命。大夫降階。西再拜稽首。賓辭。升成拜。受幣堂中。西北面。賓降出。

大夫降。授老幣。無僨。擯者出請事。賓面如覲幣。賓奉幣。庭實從。入門右。大夫辭。賓遂左。庭實設。揖讓如初。

大夫升一等。賓從之。大夫西面。賓稱面。大夫對北面當楣再拜。受幣于楹閒。南面退。西面立。賓當楣再拜。

送幣。降出。大夫降。授老幣。擯者出請事。上介特面。幣如覲。介奉幣皮。二人贊。入門右。奠幣。再拜。大夫辭。擯

者反幣。庭實設。介奉幣入。大夫揖讓如初。介升。大夫再拜受。介降拜。大夫降辭。介升。再拜送幣。擯者出請

衆介面。如覲幣。入門右。奠幣。皆再拜。大夫辭。介逆出。擯者執上幣出。禮請受。賓辭。大夫答再拜。擯者執上

幣。立于門中以相拜。士介皆辟。老受擯者幣于中庭。士三人坐取羣幣以從之。擯者出請事。賓出。大夫送

于外門外。再拜。賓不顧。擯者退。大夫拜辱。下大夫嘗使至者。幣及之。上介朝服。三介問下大夫。下大夫如

卿受幣之禮。其面如賓。面于卿之禮。大夫若不見。君使大夫各以其爵爲之受。如主人受幣禮。不拜。〔記〕聘

日。致

饗。明日。問大夫。大夫不敢辭。君初爲之辭矣。君脫寡君。延及二三者。夕。夫人使下大夫韋弁歸禮。堂上籩豆。拜。賓既將公事。復見訝以其舉。既將公事。賓請歸。【右賓介問卿面卿】

六。設于戶東西上。二以竝。東陳壺。設于東序北上。二以竝。南陳醴。黍。清。皆兩壺。大夫以束帛致之。賓如受

饗之禮。僎之乘馬束錦。上介四豆。四籩。四壺。受之如賓禮。僎之兩馬束錦。明日。賓拜禮於朝。【記】夕。夫人

人歸。大夫饋賓大牢。米八筐。賓迎再拜。老牽牛以致之。賓再拜稽首受。老退。賓再拜送。上介亦如之。衆介

皆少牢。米六筐。皆士牽羊以致之。【記】凡饋。大夫黍梁稷。公於賓。壹食。再饗。燕與羞。俶獻。無常數。賓介皆

明日拜於朝。上介壹食。壹饗。若不親食。使大夫各以其爵朝服致之。以侑幣。如致饗。無僎。致饗以酬幣。亦

如之。【記】大夫來使。無罪。饗之。過。則饋之。其介爲介。有大客後至。則先客不饗食。致之。燕。則上介爲賓。賓

爲苟敬。宰夫獻。凡致禮。皆用其饗之如籩豆。各以其爵朝服。無饗者無饗禮。既致饗。旬而稍。宰夫始歸乘禽

雙。委其餘于面。禽羞俶獻比。【右主君食饗】大夫於賓。壹饗。壹食。上介若食。若饗。若不親饗。則公作大夫致

之以酬幣。致食以侑幣。【右大夫食饗】君使卿皮弁。還玉于館。賓皮弁襲。迎于外門外。不拜。帥大夫以入。大夫升

自西階。鉤楹。賓自碑內聽命。升自西階。自左。南面受圭。退負右房而立。大夫降中庭。賓降。自碑內東面授

上介于阼階。東上介出請。賓迎。大夫還璋。如初入。賓裼。迎。大夫賄用束紡。禮玉束帛。乘皮。皆如還玉禮。大

夫出。賓送。不拜。【記】賄。在聘于賄。無行。則重賄反幣。【右玉還報享】公館賓。賓辟。上介聽命。聘享。夫人之聘享。問大夫。送賓。公皆再

拜。公退。賓從。請命于朝。公辭。賓退。賓三拜。乘禽于朝。訝聽之。遂行。舍于郊。【記】凡賓拜于朝。訝聽之。賓于館

謝聘。【右公使卿贈。如覲幣。受于舍門外。如受勞禮。無僎。使下大夫贈上介。亦如之。使士贈衆介。如其覲幣。

大夫親贈。如其面幣。無償。贈上介。亦如之。使人贈衆介。如其面幣。士送至于竟。【右贈】使者歸及郊。請反命。朝服載旛。讓乃入。乃入陳幣于朝。西上。上賓之。公幣私幣皆陳。上介公幣。陳他介皆否。束帛各加其庭實。皮左。公南鄉。卿進使者。使者執圭垂纁。北面上介執璋。屈纁立于其左。反命曰。以君命聘于某君。某君受幣于某宮。某君再拜以享某君。某君再拜。宰自公左受玉。受上介璋。致命亦如之。執賄幣以告曰。某君使某子賄授宰。禮玉亦如之。執禮幣以盡言。賜禮。公曰。然而不善乎。授上介幣。再拜稽首。公答再拜。私幣不告。君勞之。再拜稽首。君答再拜。若有獻。則曰。某君之賜也。君其以賜乎。上介徒以公賜告。如上賓之禮。君勞之。再拜稽首。君答拜。勞士介。亦如之。君使宰賜使者幣。使者再拜稽首。賜介。介皆再拜稽首。乃退。介皆送至于使者之門。乃退揖。使者拜其辱。【右反命】釋幣于門。乃至于禰。筵几于室。薦脯醢。觴酒陳。席于阼。薦脯醢。三獻。一人舉爵。獻從者。行酬。乃出。上介至。亦如之。【右釋幣】聘遭喪。入竟。則遂也。不郊。勢不筵几。不禮賓。主人畢歸禮。賓唯饗餼之受。不賄。不禮玉。不贈。遭夫人世子之喪。君不受。使大夫受于廟。其他如遭君喪。遭喪將命于大夫。主人長衣練冠。以受聘。君若薨于後。入竟。則遂。赴者未至。則哭于巷。衰于館。受禮不受饗。食赴者至。則衰而出。唯稍受之。歸。執圭復命于殯。升自西階。不升堂。子卽位。不哭。辯復命。如聘。子臣皆哭。與介入北鄉。哭出。袒括髮。入門右。卽位踊。若有私喪。則哭于館。衰而居。不饗食。歸。使衆介先衰而從之。賓入竟而死。遂也。主人爲之具而殯。介攝其命。君弔介爲主人。主人歸禮幣。必以用。介受賓禮。無辭也。不

饗食歸介復命。柩止于門外。介卒復命出奉柩送之。君弔卒殯。若大夫介卒亦如之。士介死爲之棺斂之。君不弔焉。若賓死未將命則旣斂于棺造于朝。介將命若介死歸復命唯上介造于朝。若介死雖士介賓旣復命往卒殯乃歸。【右聘而遭變之禮】小聘曰問不享有獻不及夫人主人不筵几不禮而不升不郊勞其禮如爲介三介。【右小聘】【禮記】諸侯未及期相見曰遇相見于郤地曰會。諸侯使大夫問于諸侯曰聘約信曰誓。泚牲曰盟。○曲禮。

【禮記】

聘義

聘禮上公七介侯伯五介子男三介所以明貴賤也。介紹而傳命君子于其所尊弗敢質敬

之至也。三讓而后傳命三讓而后入廟門三讓而后至階三讓而后升所以致尊讓也。君使士迎于竟大夫郊勞君親拜迎于大門之內而廟受北面拜貶拜君命之辱所以致敬也。敬讓也者君子之所以相接也。故諸侯相接以敬讓則不相侵陵。卿爲上擯大夫爲承擯士爲紹擯君親禮賓賓私面私覲致饗餼還圭璋賄贈饗食燕所以明賓客君臣之義也。故天子制諸侯比年小聘三年大聘相厲以禮使者聘而誤主君弗親饗食也所以愧厲之也。諸侯相厲以禮則外不相侵內不相陵此天子之所以養諸侯兵不用而諸侯自爲正之具也。以圭璋聘重禮也已聘而還圭璋此輕財而重禮之義也。諸侯相厲以輕財重禮則民作讓矣。主國待客出入三積餼客于舍五牢之具陳于內米三十車禾三十車芻薪倍禾皆陳于外乘禽日五雙羣介皆有餼牢壹食再饗燕與時賜無數所以厚重禮也。古之用財者不能均如此。然而用財如此其厚者言盡之于禮也。盡之于禮則內君臣不相陵而外不相侵故天子制之而諸侯務焉爾。

聘射之禮。至大禮也。質明而始行事。日幾中而后禮成。非強有力者。弗能行也。故強有力者。將以行禮也。酒清人渴而不敢飲也。肉乾人飢而不敢食也。日莫人倦。齊莊正齊而不敢解惰。以成禮節。以正君臣。以親父子。以和長幼。此衆人之所難。而君子行之。故謂之有行。有行之謂有義。有義之謂勇敢。故所貴於勇敢者。貴其能以立義也。所貴于立義者。貴其有行也。所貴於有行者。貴其行禮也。故所貴于勇敢者。貴其敢行禮義也。故勇敢強有力者。天下無事。則用之于禮義。天下有事。則用之于戰勝。用之于戰勝。則無敵。用之于禮義。則順治。外無敵。內順治。此之謂盛德。故聖王之貴勇敢強有力如此也。勇敢強有力而不用之于禮義。戰勝而用之于爭鬪。則謂之亂人。刑罰行於國。所誅者。亂人也。如此。則民順治而國安也。

### 公食大夫禮

【儀禮】公食大夫之禮。使大夫戒。各以其爵。上介出請。入告。三辭。賓出。拜辱。大夫不答拜。將命。賓再拜稽首。大夫還。賓不拜送。遂從之。賓朝服。卽位于大門外。如聘。〔記〕不夙戒。戒不速。賓之乘車在大門外西方。北面立。〔右戒賓〕卽位。具羹定。甸人陳鼎七。當門。南面。西上。設扃。冪冪若束。若編。設洗。如饗。小臣具槃匱。在東堂下。宰夫設筵。加席。几。無尊。飲酒。漿飲。俟于東房。凡宰夫之具。饌于東房。〔記〕不授几。無阼席。亭于門外東方。司宮具几。與蒲筵常。緇布純。崔席。其純皆如下大夫純。〔右陳器饌〕公如賓服。迎賓于大門內。大夫納賓。賓入門左。公再拜。賓辟。再拜稽首。公揖入。賓從。及廟門。公揖入。賓入。三揖。至于階。三讓。公升二等。賓升。大夫立于東夾南。西面北上。士立于門東。北面西上。



辭。賓升再拜稽首。賓升席坐取韭菹。以辯擣于醢。上豆之間祭。贊者東面坐取黍。實于左手。辯。又取稷。辯。反于右手。興以授賓。賓祭之。三牲之肺不離。贊者辯取之。壹以授賓。賓興受坐祭。挽手。扱上鉶。以柶辨擣之上。鉶之間祭。祭飲酒于上豆之間。魚腊醬醢不祭。【右賓祭饌】宰夫授公飯。梁公設之于潛。西賓北面辭。坐遷之。公與賓皆復初位。宰夫膳稻于梁。西土羞庶羞。皆有大蓋。執豆如宰。先者反之。由門入。升自西階。先者一人升。設于稻南。籩西。閒容人。旁四列。西北上。脚以東。臚臠。牛炙。豕炙。南。醢以西。牛臠。牛鮓。鮓南。羊炙。以東。羊臠。豕炙。南。醢以西。豕臠。芥醬。魚膾。衆人騰羞者。盡階不升堂。授以蓋降。出。贊者負東房。告備于公。贊升賓。賓坐席末。取梁卽稻。祭于醬。潛閒。贊者北面坐。辯取庶羞之大興。一以授賓。賓受兼壹祭之。賓降拜。公辭。賓升再拜稽首。公答再拜。庶羞西東。毋過四列。上大夫庶羞二十。加于下大夫。以雉兔鶉鴛。【記】簠有蓋。器。凡炙無。【右設饌加饌庶羞】賓北面自閒坐。左擯籩。梁右執。潛。以降。公辭。賓西面坐。奠于階。西東面對。西面坐。取之。栗階升。北面反奠于其所。降辭。公許。賓升。公揖。退于箱。擯者退負東塾而立。賓坐。遂卷加席。公不辭。賓三飯。以滫醬。宰夫執觶漿飲。與其豐。以進。賓挽手。興受。宰夫設其豐于稻。西庭實設。賓坐祭。遂飲。奠於豐上。公受宰夫束帛。以侑。西鄉立。賓降筵。北面擯者進相幣。賓降辭幣。升聽命。降拜。公辭。賓升再拜稽首。受幣。當東楹。北面退。西楹。西東面立。公壹拜。賓降也。公再拜。介逆出。賓北面揖。執庭實以出。公降立。上介受賓幣。從者訝受皮。賓入門左。沒霽。北面再拜稽首。公辭。揖讓如初。升。賓再拜稽首。公答再拜。賓降辭。公



如初賓升。公揖退于箱。賓卒食會飯。三飲不以醬。滫。挽手與北面坐。取梁與醬以降。西面坐。奠于階。西東面再拜稽首。公降。再拜介逆出。賓出。公送于大門內。再拜。賓不顧。有司卷三牲之俎歸于賓館。魚腊不與。

〔記〕上大夫。庶羞。酒飲。饗飲。

〔記〕拜食與侑幣。皆再拜稽首。〔右賓拜賜〕

若不親食。使大夫各以其爵朝服以侑幣致之。豆實實于饗。陳于楹外。二以竝。北陳。簋實實于筐。陳于楹

內。兩楹閒。二以竝。南陳。庶羞陳于碑內。庭實陳于碑外。牛羊豕陳于門內。西方東上。賓朝服以受。如受饗

禮。無僮。明日。賓朝服以拜。賜于朝。訝聽命。〔右不親食〕大夫相食。親戒速迎賓于門外。拜至。皆如饗拜。降盥。受醬

滫。侑幣束錦也。皆自阼階降堂受。授者升一等。賓止也。賓執梁與滫之西序端。主人辭。賓反之。卷加席。主

人辭。賓反之。辭幣降一等。主人從。受侑幣。再拜稽首。主人送幣亦然。辭于主人。降一等。主人從。卒食。徹于

西序端。東面再拜。降出。其他皆如公食大夫之禮。若不親食。則公作大夫朝服以侑幣致之。賓受于堂。無

僮。〔右大夫相食〕公與客燕。曰。寡君有不腆之酒。以請吾子之與寡君須臾焉。使某也。以請對曰。寡君君之私也。

君無所辱。賜于使臣。臣敢辭。寡君固曰。不腆。使某固以請。寡君君之私也。君無所辱。賜于使臣。臣敢固辭。

寡君固曰。不腆。使某固以請。某固辭不得命。敢不從。致命曰。寡君使某有不腆之酒。以請吾子之與寡君

須臾焉。君既寡君多矣。又辱賜于使臣。臣敢拜賜命。〔記〕若與四方之賓燕。則公迎之于大門內。揖讓升。賓爲荷

賓。無膳。無膳。若與四方之賓燕。膳。曰。臣受賜矣。臣請贊執爵者。相者對

曰。吾子無辱焉。有房中之樂。〔右公燕客之禮〕○此段原載燕禮篇內。今以類移此。